

權載之文集

關化圖書館

Kaohsiung Library



開化圖書館

Kaithua library



開化圖書館

Kaishua library



開化圖書館

Kaichua library



權載之文集卷第四十七

唐權德輿

表疏

論江淮水災上疏

貞元八年

八月日將仕郎守左補闕臣權德輿謹昧死頓首上疏  
皇帝陛下臣聞書曰百僚師師百工惟時又曰理亂在  
庶官然則獻替之司任當耳目所以達下人之利病廣  
君上之聰明惟野人炙背之微齊士九九之賤獎其誠  
心不致於罪伏惟皇帝陛下以大中大和武功文德亭  
育天下十有四年車書所至聲教大備微臣生逢明代



官忝諫曹旣當不諱之辰敢陳無隱之直伏以人爲邦  
本食爲人天或陰陽之候暫憊水旱之沴小至匹夫匹  
婦未安其家納隍之心則有所軫臣伏見自去六月已  
來關東多雨淮南浙西徐蔡襄鄂等道霖潦爲災者二  
十餘州皆浸沒田疇毀敗廬舍而瀕淮之地爲害特甚  
因風鼓濤人多墊溺其所存者生業半空江東諸州業  
在田畝每一歲善熟則旁資數道春雨連夏農功不開  
人心旣駭亡者則衆幸者京師歲稔夏麥又登成爲根  
本之固以保斯箱之慶然賦取所資漕輓所出軍國大  
計仰於江淮以陛下憂勞方務勵精爲理之若是而天



災尙至者將使陛下聖慮日新又日新而儆戒之耶不然臣所未喻也誠災不勝德賦有定制尙又留聖念因而拯之斯實代天理物爲人父母之明徵也伏望與元老台司定議速下德音遣使臣之有明識通方者將恤隱之命盡勞俵之方訪其疾苦蠲其租入與連帥守長講求所宜鰥寡幼艾周知其病詔令所下自如豐年休嘉感通疵癘銷散况賦無工拙皆取於人不若藏於人之爲固也盍俾有司析量入之數節經用之源務求便安以去冗費縱災害不甚陛下過而憂之無乃益聖德之光大乎立元皇帝之三寶曰慈曰儉曰德明皇帝之



林藪之文集 卷之二  
昌言曰在知人在安人此陛下已行之効在恒久而已  
在敦固之而已臣每讀漢史至賈誼谷永之徒數陳理  
道痛言得失漢朝不以受之爲貶數子不以言之爲罪  
我太宗文皇帝之有天下也魏徵王珪等危言正詞上  
禪大化無疆之祚實兆於斯伏惟陛下遠覽西漢之風  
近師文皇之德則凡百臣庶敢盡其詞臣鄙賤頑固不  
識忌諱旣竊官命豈敢愛身蓋有所聞則合上獻雖蹈  
鼎鑊猶生之年不勝懇款惶恐之至伏惟陛下裁擇謹  
奏

論度支上疏



十一月十二日將仕郎守左補闕臣權德輿謹昧死頓  
首上疏皇帝陛下臣聞建官惟賢任人以器細大畢効  
輶輻無遺蓋就其所長以求至當古人所以有優於趙  
魏而劣於滕薛敗於栗邑而理於頻陽誠才各有所極  
也伏見司農少卿權判度支裴延齡早以文學累居官  
次固而似守刻而少通徒有專勤之心且非適時之器  
往者貳大農之卿長司太倉之出納號爲稱職蓋有恒  
規陛下急於獎能切於賞善權委邦賦與其有成且度  
支所務天下至重量入爲出從古所難使物無遺利而  
不可竭竭則害生類使奸無隱情而不可刻刻則傷人



和調其盈虛制其損益上繫邦本下繫元元苟非全才  
通識則有所壅自延齡受任已近半歲羣議紛然皆曰  
非宜且權其輕重固與守之之才不同邊儲經費之切  
懋遷移用之法貴無留事以酌乎中簿領簡書用行郡  
國失於毫釐利病相萬一物未理所軫皇情而延齡切  
於感恩昧於量力思有以効強所不通則有枉尺直尋  
之心多方自固之計吏伺其隙人售其姦因緣蒙蔽觸  
類滋長致遠恐泥學製實傷異時甚敗罪之何補伏料  
聖意久未正授延齡職名似觀其能否以爲進退官司  
間里衆口一心評議誼譁所不可遏伏望與一二宰臣



時或詔問度支郎官使得以事實條對苟言者謬妄盍  
有以辨之或才實未稱難恐久處倘擇能代命以他官  
以全延齡以便天下上副求理之意下遂陳力之宜則  
事任交修職業不廢臣忝備陛下諫諍之官嘗服師訓  
緘默自負無以爲容阮嗣宗口不言人之短臣心嘗師  
之但以束帶立朝則異於是職當獻納豈敢顧身耳有  
所聞心有所見義在無隱以奉聖明言而獲戾臣之死  
所不勝愚瞽惘欵之至伏惟陛下裁擇謹奏

請置兩省官表

臣某言臣聞堯之爲君也百工允釐舜之官人也九德



咸事伏惟陛下文明御宇建用大中德厚侔二儀利澤  
施四海中外庶政寢興求思舉一事必稽於禮法命一  
官必詢其望實故朝無虛授時絕幸人勵精萬樞超冠  
前古可封之俗比屋相歡詩曰嗟我懷人寘彼周行言  
思其才也又曰翹翹錯薪言刈其楚言選於衆也蓋在  
精別能否循責功實以爵祿爲砥礪以羣才爲銛刃則  
舉不失職人効其能左右掖垣首承明詔奉行詳覆各  
有攸司然後下於中臺頒於海內誠至重也彌綸政事  
侍奉軒墀分曹十員今則殆絕昔衛多君子晉有卿才  
况巍巍聖朝淳化所被濟濟多士豈謝古人要重之司



曠闕旣久則事有所壅吏得爲非亦慮四方聞知謂朝廷乏士事關理道豈止官常臣以凡庸過蒙慈渥塵汚清近逾越等倫前後對敷備承獎飾德音顧問魂爽震驚而朴訥孱微不能自達又去四月三日面奉進止令臣有所見則條疏奏來者輒以愚管手疏上聞干瀆宸嚴伏待罪責無任兢懼隕越之至

云云

### 淮西招討事宜

右自去歲出師今已周月軍威未振寇孽猶虞中外臣庶實同憤切臣伏思之以王命討不庭以平天下師臨區區淮西之地况申光福小惟有蔡州以宗社威靈睿



謀上略所宜朝出令而夕獻捷乘城授首指顧可期今  
勝負之間猶未相直師老財廢勞而無功者何哉蓋有  
以也以寇之乘亂專地已十五年財征不至於有司杼  
軸難資於軍實而又峻威令同豐約獸窮則搏人自爲  
戰此皆必死之衆也以全義之忠朴果決固思報恩而  
馭衆伐謀力或不足况山東士旅驕悍且久苟非威望  
素重者豈能制之又諸侯之師頭會烏合或幸災養寇  
或綿力薄材勝旣衆分其勞敗又無所歸罪其心不一  
姑務自安此非成功之人也臣以爲徵師太廣命將太  
輕輕則無功廣則難制議者或曰統師之名不重則策



勲之時其賞易足偏師之任至一則勞旋之際其功自  
分且以希烈襄陽爲之懲創此乃知其一而不知其二  
也成功之後在法制鈐鍵之而已豈可早計過慮使陷  
於必不成功哉自古以兵多而敗者非一以近事則乾  
元鄴城之圍大厯魏州之討非師不衆也今因其數道  
會師可以精擇將帥武畧威重爲聖心所知羣情所伏  
者其餘方面二千石與汝鄧之地環寇四境度其不能  
者速易之兩河遠地之師未能制其死命者悉罷去之  
但以便地勁兵練其可用者誓以賞罰使之掎角設備  
於要害同心以進取程其力用如臂使指此決勝之道



也其次則嚴戒慎固勿與爭鋒來則遏其駟侵去則保  
茲經界使士皆賈勇終不妄動有虜獲者悉釋而歸之  
耀以武力浹之恩信旣無饋運之費又無殺伐之傷彼  
竭我盈可以歲月待其斃也倘以其未有出境之暴且  
開請罪之詞下詔班師曠然全宥雖根本未靖且罷戰  
息人又其次也若止如今者二十餘軍禁令不一以懷  
歸之衆無効命之心望其成功亦已難矣伏惟陛下留  
念

徐州事宜奏

右張愔狂愚敢阻朝命但慮強隣潛導故使之然或聞



移牒出軍屯於境上外示攻脅其實衛之倘諸軍進攻  
事至危迫度其不能濟也則必執以爲功旣居將相之  
崇又有討伐之績不待朝廷加地進律而徐方去矣雖  
萬萬無之亦不可不慮誠在率勵整訓合力急攻但一  
方底平則四方知息倘向淹時月未就誅夷則不如委  
以州師俾其傳達苟安反側以爲後圖但運路通流師  
律精勁更命文武兼材之臣徙爲三州節度且揚徐乖  
遠控攝異宜移鎮則兵力難分遙制則威重不足愚夫  
武校積習常情欲其復制旌旄不隸隣道但得人以授  
必易爲理又防閑暴慢皆在其初實由藩鎮歲深沒於



其位將校竊報恩之義子弟蓄樂禍之心陛下務人之  
安含垢屈法因以授仕其風寤然臣以爲三載考績先  
王之制或惜其爲理就加爵秩者不過五年則必交代  
不幸物故雖其子亦可繼之者麾下有可代之者則必  
授於諸鎮而命其帥於朝不得已則命於隣壤又其次  
也擢其上介又其次也設有齟齬者則以嚴師臨之以  
大順責之人各有心固思自効凡舉事固計其當否而  
不計其濟否易曰師出以律否臧凶正謂此也位與望  
未至而驟居之其效必速又使人人有覬倖之心此四  
方所以多故也酌理道之源尊朝廷之柄歸於上則事



理於下但修之近者則遠者自至矣制於易者則難者  
自化矣如此則綱維畢舉利澤潛流自古霸王之道也  
易曰聖人感人心而天下和平伏惟陛下留念以前淮  
右未平徐方猶梗師徒淹久率土同憂臣自十數年間  
叨禮官記言司言之任愚陋無補忝冒掖垣又思漢朝  
梅福以南昌尉之微猶遠陳時政敢以血誠管見博採  
羣情輒竭肺肝因陳本末理有似迂而實近言有過直  
而不誣干黷宸嚴莫識忌諱心魂震越伏待刑書無任  
懇欵惶悸之至謹奉狀陳奏以聞謹奏

給事中許孟容論齊愬授官事



右易曰聖人感人心而天下和平書曰嘉言罔攸伏然則致理之道在感之而已伏惟陛下睿聖欽明覆露宏納獎善求理冠於百王一昨許孟容以齊愬未有殊勞超擢非次上州刺史品秩過優駁議之司愛惜法度迫於守職不敢顧身封進詔書披歷誠懇中朝久無此事人情爲之愕然陛下特開延英非時召對輟已行之詔察無隱之忠天下之人踴躍相慶麟鳳五靈未足爲瑞臣能匪躬君能虛受使百執事之人盡忠奉上此寶瑞之大者自前日已來衆情爲孟容危懼昨日已來衆情荷陛下開納巍巍聖德橫絕古今朝廷欣欣感甚以泣



臣忝職近侍受恩每深不任抃躍悅懌之至謹奉狀陳  
賀以聞臣德輿誠歡誠喜頓首頓首謹言

論災旱表

臣德輿言伏見自春三月不雨連夏涉秋田里嗷嗷農  
收無望陛下齋心減膳憫惻元元告於宗廟禱於天地  
一物可祈者必致其禮一介有請者必誠其言憂人閔  
雨可謂至矣而甘澤未降衆情如焚公私窘迫日日以  
甚臣聞水旱之沴陰陽之數前哲王之所不免但有備  
之之術而已銷天災者莫若修政事感人心者莫若流  
惠澤人和浹洽則天地之和應矣昔堯舜在上天下無



窮人今陛下愛人之心遠過堯舜而猶有窮困未濟者此臣所未喻也敢以朴愚條陳管見伏惟聖慮裁擇一碩年縱旱亦皆有苗但時雨或愆不秀不實今則旬畿之內多有不下種而不生出者纔出短苗旋即焦乾者大率皆赤地而無所望流庸轉徙之人或趨近輔或抵京西斃踣彫耗於道途者又居其外但慮至種麥時無種可下頃者夏麥所收蓋寡旋屬旱歉性命是虞迫於目前苟利餬口蚩蚩愚夫須與支計伏望以今年夏稅麥中各於本縣量留充臨時賑貸麥種今年秋稅除水利地據分數外餘一切放免遠年逋負悉皆蠲除發



德音下明詔沛然及物使皆聞知則人心重遷喜氣交  
感假使不放亦決無可徵不若先事圖之則恩歸於上  
此乃今之至切也去貞元十四年夏旱不甚於今官吏  
多督責取辦以爲心不副陛下視人如傷之旨至有縣  
令爲部內百姓歐擊者前事不遠伏惟陛下留念

一漕運之事以濟關中有司量入固已支計以臣愚所  
見且自東都已來緣路倉所貯米隨水陸節給倍程般  
運應給腳價皆與實錢務令速到京師不計在途省費  
續計料江淮米入運以備恒數又以太倉粟約一歲經  
費之外出糶於人則時價必減而蓄藏者自出矣



一書曰罪疑爲輕又曰宥過無大陛下已命省寺疏理  
繫囚各從減等務使原免此誠睿慈恤隱莫大之澤臣  
愚以爲不如特降成命敷宣於朝使轂下萬人渙然受  
賜又比來有經黜放者自謂永無錄用之期坐爲匪人  
感動和氣冬薦官踰三年未受命者不敢出城相顧以  
乞食溘然而就斃此亦窮人之一端也近有超擢黜於  
二千石者其徒必互相慰勉上荷聖恩雖未命者知牽  
復可望冬薦官皆敘已用適其輪轅此誠睿慈勤慮獎  
人於祿也伏惟因而宏之使人人自効昔顏子不貳過  
蘧伯玉知非則明古之賢人皆不能無過在知而改之



而已棄瑕獎善用其所長則無廢人此理道之至切也  
一天下理在百姓安百姓安在賦稅減賦稅減在經費  
省天下未有不由此塗出也生之者少靡之者多物力  
既屈人命必蹙大厯中絹一疋價近四千今止八百九  
百設使稅入之數如其舊出於人者已五倍其多又四  
方守臣銳於上獻爲國歛怨爲身市恩或廣軍實之求  
而兵有虛籍或倍地征之數而取以多方固非家財皆  
出於人力者也雖有心計巧厯能商功利者其於困人  
均也割股啖口莫甚於斯在陛下慮之而已行之而已  
大易節之說曰天地節而四時成節以制度不傷財不



害人伏望俾有司審量入之數節輕用之源無冗食  
無浮費百事省嗇以俟豐年此一救災恤患之切務也  
一前史云一時不雨人且狼顧今歷三時矣農之望歲  
以食爲天京師比屋惶惶靡措詩曰先人有言詢於芻  
蕘古語云愚者千慮時有一得况含齒戴髮斯人最靈  
伏望俾百執事之人皆得上言利病可者酌而行之否  
者容而恕之此亦惻隱含宏之大要也

以前臣伏以今年饑旱京師艱食聖心憂軫臣下何安  
臣謂救之者不在於禱求乃在於事實有備者不止於  
公廩亦在於編人苟懷愚管不敢緘默上煩宸展事或



非宜悽悽血誠所貴無隱不任惶灼隕越之至謹藁手  
疏以聞臣某誠恐誠懼頓首頓首謹言

昭義軍事宜

右山東節將有沃壤利兵三十年間寤以强大或父歿  
子繼起復臨戎名器雖出於中朝爵地實專於外闔澤  
潞素爲雄鎮磁邢洛與數道犬牙故欲變山東之俗先  
在擇昭義之帥可以練兵賦循法制鎮以威重扼其咽  
喉化彼譎張納諸軌度此爲樞鍵不可不慎盧從史拔  
自軍校列於藩垣以先朝含煦之恩積臣下寵祿之重  
且自建中貞元以來每命一方鎮遂綿厯歲時就加爵



秩以至於沒身弔贈自陛下聖澤亭育天威震曜吳蜀  
底定人神洽和三四年間易置節將出入中外者凡數  
十輩執介圭不俟駕者相望於道塗而從史宴安自居  
未著勲績頃來羣情猶望除代今則因其憂服可以慎  
選守臣况盧虔以文學至大官歿於闕下以從史之賢  
自可全儒家喪紀之儀宏聖朝孝理之道以從史非賢  
則連衡非人煽結爲患貽朝廷憂恐自此始且成德事  
體與昭義不同衆情以爲許成德之請則可許昭義之  
請則不可以恒異習俗頗久倘類相因含垢推恩制之  
以漸故上黨內地未嘗因循失之毫釐利害相萬或者



慮苟未受命則勞王師誘刦武人阻拒旬朔臣愚以爲  
凡朝廷計之甚遠大者以來至當倘成命旣下不時率  
道隣道戒嚴備於境上人各有心必思自効前秘書省  
校書郎薛貽謀比充從史掌書記去歲懇求罷免歸里  
京師臣比任禮部侍郎日貽謀進士及第數與相見訪  
其人情澤潞山東事體貽謀一二詳悉言其恩信不及  
於下若命將以伐萬無所虞或召貽謀陳奏亦冀少廣  
聰聽事更淹緩轉失機宜臣備位班行稟性愚魯苟有  
所見輒披肺肝得於衆多事甚明白不敢緘默上疏上  
陳無任惶懼懇迫隕越之至謹錄奏聞謹奏



恒州招討事宜

右臣伏見詔旨以王承宗未稟朝命薛昌朝未赴德州  
大興師徒以務攻討中外臣庶不任憤激臣伏計數日  
已來朝官論用兵害者已多臣不敢更引煩詞徒惑聖  
聽臣今直舉管見二事冒昧上陳一則神策等兵在城  
中多是市井屠沽底身軍籍未經戰陣難以成功經途  
既遠所虞非細或中路潰撓結爲藿蒲未至交鋒別有  
此慮况恒冀馬軍素勁兵數頗多倘淹時月則損威重  
又西戎淮右  
兇狡多端或乘間犯邊或干紀  
出境禁衛武備不可頓虛山東猶疥癬也京師猶心腹



也不可不深以此爲念一則恐須便除成德及德棣兩道節度使則六州之人知有所奉兵交之際各圖自拔不然則以壤界所接而盡分其地如樂壽博野可以却還瀛州之類使其四隣各務攻取則人人自戰而恩歸於朝不勞師費則坐剪妖孽此亦必然之理也伏惟陛下憂勞之際臣忝備班行苟有所知不敢緘默無任惶懼懇悃之至謹錄奏聞謹奏元和四年十月十七日太常卿權某狀奏

山東行營以臣愚所見條件於後

一自去年十月興師討罪今已半歲未見成功時漸入



夏水潦疾病衆心不一主客相懸若更因循必慮潰撓  
竊聞自出師以來已費用五百餘萬貫物力旣屈人心  
則搖不可不深以此爲念

一山東諸侯未朝覲者各有息男爲副大使其心不相  
遠孰肯爲陛下盡力者耶以陛下神武睿圖埽定吳蜀  
凡觀陛下討王承宗者雖跡似忠盡其意在於必不成  
功朝廷懲創遂不問山東之事此其計也

一凡舉衆行師須因衆心喜怒王武俊實有破朱滔之  
勞而地廣兵勁若更淹延挫損轉甚今日中朝公卿大  
夫之論莫若愛人息衆含垢忍恥沛然下哀痛之詔宥



其罪辜若更敗傷則無所及也

一若以直赦承宗誠人心所便而師出半歲無功而旋則不若因有制置使衆情有所觀聽如盧從史者誘設陳瓘每事逗遛貴出草粟賤收縑帛倚寇爲援以邀寵利其間情僞非止一途比於承宗其過實甚今若於在近命行營節度令其倍道兼程度其行至半途授以澤潞然後別命從史京西已來一鎮旣離本處巢穴卽姦計不行新授朝命寵榮必不慮不至况聞其貪虐人心厭苦有所改更必求悅隨若從史除官及除替并恩宥承宗三道制書同時煥發則衆情感浹成命伏惟試以



此爲念

一軍儲國計仰給江淮江淮早歉人心日急若連兵不解則憂患非細頃者衆情以淮西三州之地四面勞師費財謂必命帥於朝以正王度昨者已除吳少陽充留後使伏計聖慈必以愛人爲心含宏覆育淮西旣猶如是卽承宗理固不疑但在速耳

以前臣自去年四月十五日上奏以欲變山東之俗先在擇昭義帥恐從史煽結爲患貽朝廷憂入去年十月十七日上奏以禁軍多市井屠沽未經戰陣倘淹時月則損威重今物情憂駭思竭肺肝以陛下聖德聖姿虛



受宏納敢以踈賤上干聰明無任惶懼懇悃迫切之至  
謹錄奏聞元和五年三月二十七日通議大夫守太常  
卿臣權輿奏狀

開化圖書  
Wahua Library



權載之文集卷第四十七

化國書館

kuohua library

權載之文集卷第四十七



權載之文集卷第四十八

唐權德輿字載之

祭文

祭故秘書包監文

維貞元八年歲次壬申五月朔日故吏金部員外郎蕭存太常博士權德輿大理寺丞王純等謹以清酌庶羞之奠敬祭於故秘書監包七丈之靈在漢鴻臚蔚爲名儒以續簪裾乃生秘書純誠伉直古訓是式納忠宣力有勞王國昔自秀造翰飛扶搖彌綸劇曹領袖清朝出入諷議嘉聲孔昭時塞時通乃領藩條俄復郎署俾均



繇賦經費委輸待公而具受命匪躬於汴之東秩宗之  
貳司憲之雄鑿輅時巡關梁未通每以貞勝行於險中  
登賢求舊入佐司寇中和直清望與實并乃總師氏三  
德興行又領秘邱六藝章明息偃文囿優游漢庭雅韻  
拔俗清機入冥立言大旨爲經爲紀中行文質不華不  
俚魯史一字詩人四始泝其源流用制頽靡以誼藩身  
與道爲隣虛中皦然不棲緇塵動靜專直儀形摺紳得  
喪虧成靡滑吾真宜介嘏福宜受戩穀未及下壽胡爲  
不淑遺孤藐然銜恤茹毒善慶不誣期於必復某等劣  
薄嘗承討論通世宿好嘉招厚恩舞雩春遊昔實童子



峴首良會俄叨知己歲月遄邁或行或止慰薦難忘音  
徽不已各忝一官來歸帝里話舊語新悲歡未幾驚疾  
癘之潛遘冀无妄而有喜信宿之間格言在耳精識不  
亂達生大觀謝醫禱於門人順一氣之聚散大均無期  
化往何之邦國殄瘁古今悽其虛室寥寥總帷披披哀  
從中來雪涕交揮柔嘉列籩清酌滿卮神之聽之噫嘻  
格斯尚饗

祭故韓祭酒文

維貞元十年歲次甲戌三月朔日徵事郎守左補闕權  
德輿謹以清酌庶羞之奠敬祭於故國子祭酒韓十四



丈之靈伏惟德厚流光炳靈發祥傳慶於公鬱爲珪璋  
宣力中外道光明代動必有裕直而無悔從容諫垣密  
勿絲言炳然憲章潤色化源六一作天官之貳京劇之貴  
四方取則九賦不匱蓬山秘書大學尊儒選重前代非  
賢勿居率是明德便蕃右職宣其馨香昭其物則四科  
難並全才乃克利用無方沛然餘力再世金鉉確乎匪  
躬光輔帝道是爲門風緇衣棣華宜復於公終缺人望  
天乎不傭顧惟小子夙承先友骨肉之契歲寒逾久爰  
自齟𠵼深仁善誘恤此殘生均其所友衣而食之祿而  
仕之闔門仰給纖悉無遺仁惻之道曲盡其宜二十年



間完安保持比肩多士忝跡清時必由念慮敢不知思  
秦原蒼蒼丹旄遲遲精魄何往音容莫追沉哀激中雪  
涕交搗神鑒如在含酸托詞尚饗

祭故盧華州文

維貞元十六年歲次庚辰四月己巳朔八日景子從表  
弟朝議郎守中書舍人雲騎尉賜緋魚袋權德輿謹遣  
使以清酌時羞之奠敬祭於華州刺史御史大夫盧六  
兄之靈詩謂君子溫其如玉書稱正人旣富方穀明靈  
比德清機所屬未極全才如何不淑追憶曩歲鍾陵嘉  
招兄時左遷屈佐乘輅幕庭山郭並榻連鑣心同則親



敢曰常僚俄奏郡課復升郎位左掖斯密教官已貴殘  
骸被病土梗蓬累謝交辟以未能方屏居以自遂拔茅  
推轂遐蹈古義七發粲然八行狎至詔下江干猥登禮  
官顧蓬次之鯁生忽束帶於朝端暇日良夜清言舊歡  
再披雲霧永契金蘭帝念長人出臨左輔河潼襟要復  
此居部乃亞丞相金龜映組美利休聲和風甘雨弱植  
何幸累叨禁垣諫署右史以至司言因緣踐履根本推  
援恐累知人上負時恩一違晤語九變涼溫日夕音徽  
切劘討論發函亶亶如見君子或忠言以規過亦善諱  
而溢美冀登柄用以永介祉每襄首於公朝期盍簪於



仁里俄驚感疾方俟有喜志切乞身恩深卧理神道與  
善胡然不起寢門一哀孰甚知已素車莫遂雪涕何已  
樽酒簋貳深誠在此尚饗

祭故戶部崔侍郎文

維貞元十九年歲次癸未十月戊寅朔十二日己丑中  
書舍人楊於陵禮部侍郎權德輿謹以清酌時羞之奠  
謹祭於故戶部侍郎贈右散騎常侍崔君之靈古之大  
觀推理以達謂生爲勞於化不怛苟非至人哀樂云云  
一欣一感松茂芝焚遐想深契在於夫君素履無玷黃  
中有文卓爾堅明皦然貞醇夙以聲實邁於羣倫伊昔



宦遊風塵不雜聯簪法冠並列賓榻夷道可久淡交相  
合亦旣府除索然離居或憇循江或旋練湖君初卷懷  
寓彼羣舒四三年間聯奉詔書分曹事師議禮太子中  
臺奏議並列哀烏道舊放懷話言于于三登首曹乃貳  
司徒相顧飛翻接影天衢顯允德素大僚是都凡我四  
人交歡靡渝直諒是程中庸是經或會公朝猶疑莫庭  
孰謂夫子奄然冥冥交臂相失沈瀾涕零入室噉噉孀  
孤之聲追懷悼心痛我友生密印左貂以哀以榮嗚呼  
哀哉命之所賦豈有其數乃如之人洵美無度常日謂  
我文昌聯步如何今茲已隔泉路疊疊良話依依平素



晦明再暮冥冥大暮萬事風燭九原草露魂之來兮歆  
此薄具尚饗

祭故梁補闕文

維貞元九年歲次癸酉十一月朔日左補闕權德輿等  
謹以清酌庶羞之奠敬祭於故右補闕贈禮部郎中梁  
君之靈我思古人乃得敬之今則不見嗚呼噫嘻賢哲  
之生作瑞於時中立不倚大道甚夷人或多方以取世  
資君懼其至泊然靈龜游夏遠矣文章運衰風流不還  
作者蓋稀君得其門獨泝澆醜遐蹈古始六經爲師初  
冠章甫在江之澣忘形交臂或出或處久要之契昭然



相與直諒切劘曠懷無阻漢廷虛左尺一旁午心與雲  
閑翼隨風舉恬漠虛白環中之樞篤厚承明君子之儒  
精義入神英華發舒人所景行君之緒餘乃補袞職乃  
侍皇儲北宮密命東觀直書致用無方迎刃皆虛漸漬  
教化闡然而孚文武憲章堯舜典謨空結時望莫申令  
圖宜錫華皓以極其道鍾美實多歸全太早子淵之仁  
叔度之賢皆厚其才而奪之年吁嗟敬之今亦已焉孰  
司化工不與其全凡我同人官次周旋微言嘉話悅若  
目前吾欲問蒼蒼而訴冥冥索夫子於重泉末如之何  
從古以然平生一樽哭奠靈筵魂氣何往空傷絕絃尚



饗

祭故唐舍人文

維元和元年歲次景戌正月景寅朔十九日甲申戶部  
侍郎權德輿謹以清酌時羞之奠敬祭於故禮部郎中  
知制誥唐君之靈嗚呼文編行茂才全弱冠知名時推  
雋賢含章振藻金石在懸緣情放言采組相鮮憶昔淮  
湖與君覲止忘形合志造適通理瓜步邗溝吳山楚水  
芝蘭之室三十年矣君自左史進居臺郎予叨禮官亦  
忝周行熙春至止休沐相將纒盍簪於上國俄出守於  
遐方盛山雲安風水迢遞屈此二郡俄然半世文章煥



發書札相繼辛酸苦言欵曲嘉會顧我忝曠愧君淪滯  
屢封薦章輒以人廢每與公範交修宿契不進不止中  
心自誓大君繼明元凱持衡方開宣室以待賈生裁成  
訓命所謂文炳詔君居之士友相慶遲遲征軒來自荆  
門凡我同人載勞夢魂屈指繼日俟君西垣不及百里  
俄歸九原嗚呼文編此痛難言壽堂野土一別終古平  
昔風姿杳無處所樽酒簋貳涕零如雨冥冥之間神其  
聽否尚饗

祭故李祭酒文

維貞元七年歲次辛未五月朔日故吏前江南西道觀



察支使監察御史裏行權德輿謹以清酌時羞之奠敬  
祭於故國子祭酒李公之靈伏惟峻閣洪宗有勞有忠  
光耀北朝黎申繼封世名清純以至先公彌綸盛時德  
位昭融文武吉甫克嗣其風儲慶發淳擇乎中庸天寶  
中年仕無異門講道積學五經紛綸以能詔官校理秘  
文溫若玉質郁如蘭薰絃琴峩峩擁傳鞞鞞兩無留事  
並著嘉聞題輿佐理剖竹爲政均彼化條簡其徵令風  
行草靡飲和發咏難理之時四封謐靜累遷大郡亦佐  
成師宣其馨香蠲彼癘疰時有行止道無磷緇虛中十  
年觀我靈龜大君嗣位推擇良守乃眷上游作藩夏口



報政獻功察廉一方再扞大憝以完南邦盡殪舟師王  
旅乃張衆寡相懸以律而臧就加副相乃鎮西江來歡  
去懷金石洋洋剛柔全德蹈履不忒外無墻藩之峻中  
踐夷坦之域爲仁由已率誠不飾播厥美利根於易直  
灾去水火人滋衣食流庸胥附生齒益息亦旣七年慰  
安斯人冲用知止封章乞身朝典崇儒徵拜成均遽歎  
夢奠俄驚返真猥以蒙蔽再塵盛府重問縟禮蓬茨之  
下惠愛博約深識見與左右彌縫愧無所取九江拜手  
浹日前期如何奄忽過隙生悲羊公峴首良會無時庾  
亮樓中永絕清機前歡幾何圓魄纔缺承訃長慟潺湲



涕咽返葬迢遞西周古原柳車芻靈飛旒翻體魄則  
降德馨長存拜奠心碎難酬舊恩尚饗

祭故薛殿中文

維貞元七年歲次辛未某月朔日前監察御史裏行權  
德輿謹以清酌庶羞之奠敬祭於故殿中侍御史薛七  
兄之靈有生必化大鈞之方盛極而衰乃理之常又曰  
善慶鍾爲福祥今則繆盪天心茫茫追維明靈夙播馨  
芳解巾秘府累冠神羊清明之用百鍊堅剛麗藻之文  
六律鏗鏘嘉言婉婉令問章章靖恭端和休有耿光纔  
踰強仕未踐周行衆情顛然日遲騫翔早維通舊已飲



馨香晚忝常僚載換星霜府庭同舍居室隣墻切劇惠  
愛何可弭忘憶昨從公泐泛長江賓榻初散雲帆並張  
晨登佛廟晚眺漁梁善謔理窟清言智囊旣濟江浦俄  
驚府喪同悲未幾今也則亡古稱臧孫德遠流長遽歎  
伯道永絕蒸嘗嗚呼不備難究蒼蒼上歸元漠下閔幽  
荒呼天者兄晝哭者孀琴書已矣行路悽傷柔嘉備籩  
澄齊滿觴神其格斯搗涕浪浪尚饗

祭故屯田柳郎中文

維建中二年歲次辛酉某月朔日試右金吾衛兵曹叅  
軍權某謹以清酌時羞之奠敬祭於故屯田郎中柳公



之靈有

在一作

漢理平子陵退耕運鍾明時公遂性情典

校司諫便蕃清秩南宮之拜詔書三出中朝虛左公志  
不屈優游化源消息心術四時芬芳百鍊精剛德充於  
中用晦彌光是非萬殊不滑其常和易內蘊發於文章  
性命之際希夷之域理無不窮言必冥極救彼文勝作  
爲異式扶教立言實在清德時方逐進公則尚退人或  
外獎公則理內獨立不惑以身矯世萬頃淵然孰知其  
際顧惟小子猥奉音徽賞則過實勗常中非日想德容  
心有清機今則不見涕流霑衣嗚呼哀哉人世則異清  
風不匱總帳寥寥泉臺下閔常聞福善今也無嗣力命



如何斯文其墜尚饗

祭故海陵李少府元易文

維建中三年歲次壬戌某月朔日試右金吾衛兵曹叅  
軍權某謹以清酌庶羞之奠敬祭於故海陵縣尉李君  
元易之靈我得元易於茲三年粹秀清和仁義在焉行  
有餘裕其文粲然五字之中含寫風煙巖扉舊隱常聞  
清興諸生討論雅有時稱初與廬群德倫同隱居於譙山理實歸研境  
無逃勝嘉招旣至虛中已應從容解巾作尉江濱退以  
直道進無中人往志彌篤郊居食貧衡茅之下孤石聚  
均連墻者何則有元鈞元鈞名喻君之族父探味元奧疎適心神

晚獲觀止心乎愛矣扁舟往復就館於子靜賞因霞采



晚獲覲止心乎愛矣扁舟往復就館於子靜賞烟霞深  
窮各理友直友諒惟君是已行不苟容必俟良工棧繫  
絕足櫝閉銛鋒竟嗟不試一命淪躓身沒跡晦靡申素  
志惟富與壽君則不至人皆有子君獨無嗣總帳飄飄  
靈座深閤幽顯此殊嗚呼元易尚饗

祭故李處士文

維貞元二年歲次景寅十月朔日試右金吾衛兵曹叅  
軍權某謹以時羞之奠敬祭於故李處士十六兄之靈  
惟先吏部文德冠時天下翕然有所宗師鍾美於兄式  
克似之爰自穉歲淡然清姿惟我與兄世有舊歡應若



頃篋芳若芝蘭居易處厚中明外寬發於濬源激為清  
瀾放懷外物清機善謔討論不倦名教為樂迭用古義  
以相博約先王觀風命史陳詩雅南之後其道日醜騷  
楚怨思王風澆夷升降之義與代相隨國朝數公稍振  
舊風兄實求已服勤於此敷陳麗則不野不史含寫佳  
境優遊精理七發未終俄驚不起追惟前年訪我由拳  
握手開襟慙歎言孰謂此訣死生間焉今我來斯舊  
館依然文伯既沒敬姜哀慟子敬下世徽之永痛嗚呼  
哀哉流形賦命孰主張是昏嚚闖茸或壽或貴方直清  
明迺天迺否如何斯人才命不侔未室未仕溘與化俱

志業靡申沉痛泉壚福善與仁胡其忽諸嘉育在靈



志業靡申沉痛泉壚福善與仁胡其忽諸嘉肴在篋旨  
酒在壺寄此一慟汎瀾涕濡尚饗

華化圖書  
Kathua library



權載之文集卷第四十八

權載之文集卷第四十八

化圖書館  
a hua library

權載之文集卷第四十九



權載之文集卷第四十九

唐權德輿字載之

祭文

祭故獨孤常州文

維貞元二十年歲次甲申十一月戊申朔一日戊申禮  
部侍郎權某以清酌庶羞之奠敬祭於故常州刺史獨  
孤憲公十四丈之靈嗚呼德充而位不配才大而年不  
遐稽於賦命從古太息伏惟蘊大雅之愷悌遵六二之  
直方作為文章律度當世粲如日星炳若龜龍施於政  
事表率方國三郡洽和四封鼓舞而不得宏大志業歿



於中身豈洪鈞造物使才命相齟先師罕言末如之何  
伏以先子篤忘形之契小人展無容之敬去世二紀清  
風凜然顧以息女歸公愛子雖不獲逮事而備承家法  
况茲菲薄實忝眷私辨方之年違離於江徼志學之歲  
伏謁於郡齋典司禮職常奉易名之議嚮仰德門今承  
合姓之重話言誘掖造次敢忘德容碩姿髣髴在目自  
爲聲舉之重今則潘楊之歡二孤純孝遺烈鍾美鮮原  
改卜日月有時酒肴靜嘉式薦靈位尚饗

祭故獨孤台州文

維貞元二十年歲次甲申十一月朔戊申禮部侍郎權



某謹以清酌庶羞之奠敬祭於故台州刺史獨孤七丈  
之靈洪範五福古人所貴伏惟道樞德機涵咏交鬯解  
龜隱几讌自東吳嗇神而去物累觀化以順天理終始  
貞吉歸全返真不登期頤者十數歲而已可謂康寧而  
壽以至考終命宏修政事遵職居部泝泮泲河四遷二  
千石朱轡暢轂所至治平率誠理身以化封內可謂攸  
好德其所以異者富於義而遠於利以祿直調姻婚以  
清白遺子孫故卽遠之日轉祿纔具孤嗣藐然以賻布  
襄事蹈道如是君子以爲難介弟憲公挺此文德含章  
炳然與三代同風先門友善義比金石猶子秀茂申以



櫛輦之式集 卷四  
二  
婚姻引進琢磨居爲雅器永懷感悅異奉話言女子有  
行得奉門訓竟迫道途之阻未申供養之禮用此歎慟  
結於中腸輻車東來大隧斯啟柔嘉清滌用寄單誠尚  
饗

祭故賈魏公文府十月

維永貞元年歲次乙酉十月景申朔二十三日戊午朝  
散大夫守尚書戶部侍郎雲騎尉權某謹以清酌庶羞  
之奠敬祭於故司空相國贈太傅魏國賈公之靈覆載  
之間肖形必化惟令德淑問與天壤俱伏惟以含一之  
量叶休嘉之運四征授律勳在盟府二揆居中勤宣宰



政注意體國繫公是圖始自黃綬至於元衮率由坦夷  
以極光大浩若溟海熙如春臺歸全之日朝野相弔窮  
凋戈金鉉之寵可以言貴過懸車貳膳之年可以言壽  
中和博大之度可以言君子知命順化之理可以言至  
人三朝告老終不得請法賻吊祠禮加常數鄙薄無似  
辱公之知獎進切劘逮茲一紀獲居里閭亟踐堂奧拔  
俗之韻忘年之歡疑在視聽忽成今古嗚呼魏公可勝  
勵耶潔此觴豆莫於冥寥髣髴風彩公其降靈尚饗

祭故張工部文

維貞元二十一年歲次丁酉七月戊辰朔四日辛未禮



部侍郎權某謹遣男璩以清酌庶羞之奠敬祭於工部  
侍郎兼御史大夫贈禮部尚書張二十九兄之靈士君  
子所以暢其業者文也學也士君子之所以植其本者  
正也忠也綽綽工部實由於斯起於逢掖乃執簡記章  
明義類振起褒貶博物洽聞時稱良史可不謂文乎誕  
章成式變理疑議稽合於古節適於中羣士屬目一言  
以決可不謂學乎處燎原盜泉之下不焚不濡終然違  
難皦潔貞厲狃狃權倖惡厥中立一罹讒鑠遂去清近  
秘邱十年不得自是可謂行已之正乎出疆專對照  
耀原隰天覆之內無遠邇君命之下無險夷再叶翟士



乃和戎索暢威靈於大荒之外啟手足於野幕之下可不謂事君之忠乎年纔逾耳順官止貳起部於兄之量二者皆屈彼大耄大僚孰宜之哉頃陪禁掖俄接仁里觴酒歌詩清言善諍靡日而間彌年以歡一瞬之間奄成今古以此哀思如何可忘跌傷左足未任趾步鼓吹臨門涕洟如雨平生風味今日永訣伏枕口占寄懷斯文尚饗

祭故杜岐公文

維元和八年歲次癸巳三月甲寅朔二十八日辛巳禮部尚書權某謹以清酌庶羞之奠敬祭於故太保贈太



傳岐國公之靈伏惟體溫厚之氣協休和之運五常用

仁九德在寬六朝揚歷三后公相契作司徒爽居太保

致位遂志晏閑顯尊極人倫之壽寵居一作君上之恩

禮傳曰行道有福詩曰求福不回考祥視履惟公是已

至若倘佯化元保合太和扶道嘉會將明利澤漸漬於

生民而隱於視聽者可勝道哉早辱招辟仕纔初命頃

沐鴻休職聯大任周旋惠愛三十餘年公府閱議郊居

盛集滄溟沃日之量清廟禮神之器四教五福明哲始

終話言風采疑在夢想變化糾紛何可勝論常日賓榻

今茲靈位常日歡言今茲聲淚常日精爽今茲魄氣常



日鳴騶今茲騎吹永去昭代言歸厚地平生一樽拜奠  
獻歆尚饗

祭故徐給事文

維貞元十四年歲次戊寅八月戊寅朔十日丁亥右諫  
議大夫裴佶中書舍人翰林學士吳通微中書舍人高  
郢尚書司勳郎中知制誥權某尚書司勳員外郎知制  
誥翰林學士鄭絀起居郎韋丹左補闕翰林學士衛次  
公右補闕王紆右拾遺史館修撰蔣武等謹以清酌庶  
羞之奠敬祭於故給事中贈禮部尚書徐公之靈太伯  
延陵化於東吳遺風禮讓乃有名儒懿懿夫君文誼是



圖早歲清名輝動江湖遐覽古音琢磨無數以五常爲  
師味六學之蹟始以處士交馳府辟乃考秘文諸生表  
的周畿結綬吏隱方適三命登朝禮文損益旣肄業以  
綿絕亦說經而重席踐履中臺翻飛左掖含章載筆侍  
講通籍循性不遷虛中靜專駁議清禁於茲八年同官  
爲僚惠好歡然瑣闥密近蘭室周旋分曹直夜接武朝  
天會清機於妙理每捨筏以忘筌如何移疾亦旣旬日  
謂勿藥之有喜俄交臂而相失死生同途力命難俱焜  
耀終始恩深禮殊榮春官於夜壑振簫鼓於塗芻平昔  
談笑倏然虛無含悽寄詞絮酒焚枯願執紼以莫尋莫



靈筵而涕濡尚饗

祭故奚吏部文

維貞元十五年歲次己卯十二月庚午朔二十六日乙未右諫議大夫裴佖給事中許孟容李元素陳元中書舍人高郢權德輿兵部員外郎知制誥崔邠等謹以清酌庶羞之奠敬祭於故吏部侍郎贈禮部尚書奚公之靈竹箭有筠黃裳有文惟公實然早播清芬射策筮仕鬱然令聞翻飛迅颺凌厲層雲乃踐清近時登傑儔選當視草中亦難進南宮西掖砥礪銛刃奏議練於程品贊書稽乎典訓貳職司寇時惟欽慎獄有煩言訟公卽



訊惟直是從確然蹈中雖申申以訾子終蹇蹇而匪躬  
五歲啟事九流承風寬以有制峻而能通宜躋大年以  
至宗公絕足方騁修途忽窮佶等或早陪交好或嘗接  
官命懷鮑叔之深知仰晏嬰之久敬里第方葺蘭萱滿  
逕平日徽音未移視聽乃者寢疾猶期善慶孰謂旬時  
奄然大病上軫宸衷榮加飾終題劔告第恩殊禮崇吁  
嗟祖載去此昭代儼丹旄以就途紛素車而來會晤言  
如在神鑿豈昧何以洩哀寄茲一酌尚饗

祭故呂給事文

維貞元九年歲次癸酉正月庚辰朔二十一日庚子右



諫議大夫陽城給事中徐岱李衡中書舍人奚陟尚書  
駕部郎中知制誥張式左補闕權某等謹以清酌庶羞  
之奠敬祭於故給事中呂公之靈君子之道貴乎艱貞  
公用踐履剛中粹精文學政事蔚然時名出處屯夷用  
晦而明君命佐戎于彼淮甸方國多虞妖氛潛扇每以  
明誠異其革面外蒙恥以枉尺中飛章而告變白双臨  
前丹心炳然貞其困而後濟忘其生而後全履診旣平  
忠勞亦著草奏南宮嘉聲載路出領符竹澄清遠部夕  
拜黃扉昭宣王度獻歲朝天侍立君前華纓玉佩行止  
鏘然周旋陟降接踵差肩如何累日奄闕重泉嗚呼哀



林書云三集卷四  
哉寓形此世無非大夢寢門之外莫甚斯慟交歡幾時  
踰月於茲每與休沐相從譙私孰謂奄忽俄生癘疵醫  
禱不及形神已離某等或辱在常寮或忝陪下列喜雲  
霧之初披恨幽明之遽訣瞻彼塗芻言旋洛都平昔智  
志一作氣復歸虛無酒肴靜嘉盈俎滿壺何以道意潜然  
涕濡尚饗

權載之文集卷第四十九



權載之文集卷第五十

祭文

祭戶部員外叔父文

維建中四年歲次癸亥月朔日從姪某謹以清酌庶羞  
之奠敬祭於故戶部員外郎十四叔之靈福善降祥是  
爲教源至於性命古人罕言沴氣交薄作爲天昏慘闕  
時和殄瘁人賢不極修途不登大年命屈其志古今共  
然追惟叔父顯顯令德統九流於靈府貫百行於精識  
昔在中褐卽爲聞人冰玉之姿穎然不羣禪惠通性文



章發身清談一室車騎如雲辟書交至使者結軌譏孟  
晉以近名隘并介之不起從容翔集盡於知己故顯昧  
之間皆酌中合禮江南擁旄主東諸侯參佐之選時稱  
先儔婉婉良畫心和智周史於一言惠澤旁流再厯郎  
署三叅憲府十年之間赤紱在股暢恬淡之元姿期青  
冥於步武厚夜何言夷途遂阻憶昨拜手猶承晤語旬  
朔之間奄成終古塗芻旣列哀挽旣發族子之念偏深  
林下之歎永絕胡爲造物胡爲天闕悠悠九原拜奠酸  
咽尚饗

祭外舅相國安平公文



維貞元三年歲次丁卯十二月朔子壻試大理評事攝  
監察御史權某謹以清酌庶羞之奠敬祭於外舅故相  
右庶子安平公之靈元精熙熙大化泐泐合散萬形以  
陶以鈞感和合祥則生鳳麟含粹炳靈乃有仁人嗚乎  
安平受天清淳全德不器大方無垠恭聞稚歲卓爾殊  
異亦旣冠字確乎其志去華務實探幽索秘窮盡化源  
深入精義上下千古周流百氏自觀靈龜不鯢驕餌考  
古立言其文煥然乃論皇極乃志元德識洞窈冥言經  
邦國幽蘭在林鳴鶴在陰嘹唳芳芬越自重深安貞用  
晦其道乃大卷舒之間律呂相會相會者何時惟贊皇



受命開府作藩東方美公德輝闇然而章車乘翹翹重  
禮以將連茹時賢是集是翔颯颯叩叩萃於公堂古之  
待士懼其不至故賓不自賤而主不自貴道薄俗醜其  
風寢隳苟於所以又患失之故戟戶益尊華戶益早名  
節不立廉隅以虧公之出處時之準的闇闇直詞婉婉  
嘉畫贊皇爲主安平爲客化被勾吳幾於耻格令德孔  
昭觸邪登朝或塞或通不磷不凋乃補衮職柔嘉剛克  
右掖旣言其詞則直直方明謨與古爲徒以直言爲已任  
願致君於黃虞屢封皂囊亦伏青蒲爰啟爰沃乃咨乃  
俞羣墨惡白行吟楚澤歲久逾芳剖符建陽政和用



易邦人樂康興元之初王旅未振或任專征且迷大順  
區區遐方獨抗忠憤馳書激切詣喻方鎮飛章間道旁  
午奔問密疏安危以扶皇運翠華旋宮馳駟命公選部  
爲郎郁郁清風克厭帝心給事於中乃贊大政以釐百  
工謂俾元元旣庶而富未展緝熙遽罹沉痾移疾請告  
乞身抗疏留中久之不忍其去乃相東朝禮備優賢方  
巽勿藥再持化權蒼蒼者何不錫永年壽屈其才從古  
以然內惟小子控蒙褊吝昔歲羈牽遇公於信亭伯直  
道君山佐郡莫際波瀾幸窺墻仞因曰世與道交喪恬  
與智相養盍晦而明盍性而情虛中蹈道以此爲經亦



旣歸止貧居練水靜守緒言期於沒齒芳訊忽至開緘  
盈耳申以嘉姻眷同國士心合義固尺書而已禮異常  
情感深知已音徽相繼封壤或殊迨前年之仲春獲結  
甘於楊都夙承師友載反門閭阻拜禮於上國承施衿  
於外姑九江之西謬見羈束惠愛則深格言相屬固窮  
難進是導是勗心知善誘力有不足一曠清德七年於  
茲物類形留神交坐馳亦謂恬曠漸消癘疵不虞不圖  
凶訃來斯哀激中腸浹於四支恨情禮之未展痛幽冥  
之永辭藐彼二連樂樂孝思德以遺後魂無不之東洛  
西江支離拘限迹滯幕庭心馳祖奠嗚呼哀哉賢人之



西江支離拾遺記卷之二  
生力命難并年中身兮道未行去昭昭兮卽冥冥一往  
不復空留淑聲銜酸托辭庶達明靈尚饗

祭故外姑河東縣君支

維貞元十一年歲次乙亥十月朔日子壻起居舍人知  
制誥權某謹以清酌庶羞之奠敬祭於外姑故河東縣  
君之靈伏惟承積德之慶稟醇仁之性嬪於盛門播此  
淑行恭聞幼儀以及結褵居然嫺直不待姆師朝尊相  
府家榮命婦琴瑟和聲珩璜節度執謙處約不改其素  
專靜是宏紛華靡務四德日滋六姻是宜睦親以誠撫  
下以慈內則之禮采蘋之詩夙夜無違如春熙熙道備



移天哀纏晝哭闔門之訓斷織是勗期於榮養以俟豐  
祿方慶綵衣遽驚喪服顧惟鄙人辱奉嘉姻十年之間  
情以禮親頃歲違阻遐方食貧殘生未滅慰訓相循俄  
忝周行來歸帝里駟車遄邁盡室至止舉觴爲壽侍坐  
以齒令節游娛溫顏燕喜浮生如幻寢疾未幾遽此全  
歸難徵神理欒欒棘人泣奉塗芻翩翩素旌東指洛都  
征途在目官局所拘含淒國門拜奠路隅仁愛如昨幽  
明忽殊托詞寫哀庶達泉壚尚饗

祭故建昌崔丞文

維貞元十一年歲次乙亥十月朔日姪女壻起居舍人



知制誥權某謹以清酌庶羞之奠敬祭於故洪州建昌  
縣丞崔六伯之靈伏惟北州茂族中庸令人行有枝葉  
道無緇磷居常葆和動不違仁素履坦坦閨門申申子  
真恬退張仲孝友淡而不厭晦而能久亦旣再命皆以  
退聞天爵之外視如浮雲謝病郊園深辭世紛逕多芝  
朮家有典墳心遊杳冥手植芬氲行樂春晚開襟日曛  
謬忝嘉姻獲奉深分曩時上策旅食江郡一葦可航百  
里而近長筵式晏虛室清論少長無違琴觴迭進仰名  
教之可樂見義方之善訓暇日則多窮年無悶不耗天  
理同乎大順頃服朝命言旋帝鄉盡室出祖至於朱方



離居未幾四換炎涼凶訃忽來哀何可忘山川阻遠情  
禮未展犯塗潦以無由想音徽而在眼敬姜知禮鯉也  
聞詩昔著婦行今推母儀婉彼令姪承哀涕洟遠切諸  
孤之痛難追世父之慈有生必化從古同轍元酒清滌  
用申永訣寄懷斯文於彼臨穴

祭故房州崔使君文

維貞元十七年歲次辛巳十一月己未朔十月戊辰姪  
女婿朝議郎守中書舍人賜緋魚袋權某謹以清酌庶  
羞之奠敬祭於故房州崔十一叔之靈荆藍之下必產  
貞玉有斐君子生於茂族信以發志居惟慎獨時然後



言言必可復昔未弱冠皦然清規已結黃綬分曹帝畿  
亦宰一同邑人熙熙有翹者車辟禮交馳乃簪神羊在  
壽之陽俄佩赤綬贊於熊相尋副戎車再遷直指守臣  
進律公亦戾止著作中秘古之外史章奏文昌虞衡允  
理吏二千石風化攸興朱轡赤帷來惠房陵饋軍禦寇  
徵令重仍恭敬不諛秉持有恒六年刺舉千里清澄亢  
此下人時公之能昔惟覲止倏焉二紀道信部以交觀  
寓揚都而晏喜袞袞清義怡怡致美亦旣納徵願言未  
幾悼子咸以作賦感東武而成誄繫援凋落惟公是已  
方歎分符又悲閉水昔年委質於汴之東從事則異嘉



招實同頃忝右掖獲辭南宮或方駕於辨色或開襟於  
退公華燭以燻芳罇不同乍詠庭中之雪每歡林下之  
風千騎雖遠雙魚屢通永懷休沐若去池籠顧此室內  
二年沉痾方書藥石織悉誠誨精微析理歛曲深愛迎  
門發函俯仰是佩幸積恙之小間異異時之良會如何  
奄忽永謝昭代哀以慈結情逾禮外對茲悽酸心骨如  
碎中饋仁賢諸孤蘄然充窮卽遠誠信歸全萬事如昨  
音容冥寞薤晞朝露舟失夜壑鮮原喬木遵彼東洛若  
堂若坊先子所託目想如在心懷可作神其格思歆此  
單酌尚饗



祭楊校書文

維貞元二十年歲次景寅

云云

故校書楊君幼樞之靈

大玉天球不磨不礪清廟黃目森然禮容先正司徒德  
與位崇恬然清靜以厚時風幼樞嗣之天授全識日新  
不殆能世其德亦既弱冠聲猶四塞瓊樹一枝鳳姿五  
色登名太常芸閣爲郎首大府之嘉命專中軍之奏章  
目成清冥足跋康莊期元成於必復知公業之不亡猥  
以蒙瑣辱當親姬嘉禮用時歡言卜夜追惟世好交契  
逾深自爲聲譽豈止潘任日聞清機洒我煩襟彼松茂  
以蘭臭諒二人之同心常謂子曰居中用晦明道若昧



姑務其實姑脩其內名浮於行所以賈害直諒之詞迭承  
規誨清和之月邗溝分袂間茲一水使我心悔曠懷勝  
理緘封相繼不聞移疾奄此下世泣讀訃書百骸如碎  
寢門一痛素車來會觀聽未移音容如對如何返真迫  
此短辰書有遺草弔無雜賓塗芻在御嘉偶方姪護喪  
晝哭反葬咸秦驗熊羆之吉兆償世祀之悠久儼書籍  
以具存傳義方於身後嗚呼哀哉或仁而夭或鄙而壽  
彼蒼者何難以理究顏生短命叔寶多病奈何賢達古  
今不幸大鈞茫茫死生其常痛我幼樞二紀而亡嚴霜  
夏隕零落貞芳嚮用五福何人則當寫懷寄誠在此一



觴哀從中來雪涕浪浪尚饗

祭楊校書夫人文

維元和三年歲次戊子三月癸未朔二十五日丁未妹  
壻大中大夫守尚書兵部侍郎上柱國襄武縣開國侯  
權某 云云 故校書郎楊君夫人一姊之靈先姊先舅公

台積厚德門交輝士女挺秀有儀有耀宜貴宜壽纔移  
所天俄哭於晝遠護帷裳來歸帝鄉洒滯壤樹潔羞蒸  
嘗之死之誓炯然秋霜二十年間形同未亡乃育孤女  
是歸良匹亦既有行秀而不實感念難遣哀酸成疾晦  
明推移變化奄忽昔與幼樞姻聯揚都歲時二紀人事



萬殊諒勞生於此世何恒化之同途彼福善與貽慶又  
不知夫神理之有無顧我好仇永懷伊姊動若形影痛  
深骨髓芻靈就列迷奠停軌觴酒寫哀神其聽此尚饗

祭崔士曹文

維元和八年歲次癸巳二月朔日禮部尚書權某

云云

故京兆府士曹崔君之靈嗚呼相門令嗣被服大義青  
襟隸業黑衣入侍贊佐征師參榮臺寺職列京掾年纔  
強仕謂登公朝稍進名器層雲未翫迅翼俄墜惟先穆  
公左官江干一言營道二姓交歡信郡邁止君初卅角  
揚都會合甫過幼學自至京轂相傳傳約永言舊知敢



忘先託常日繫援內惟菲薄缺然深哀猶負前諾力命  
乖戾英華銷鑠方馳康莊已歎冥冥長女未笄幼男孩  
提披披靈衣噉噉孀妻緱原大墓祖載東柩瞻言體魄  
歸此壤樹顧我室人沉痾積年四支半廢雙足不前常  
痛終鮮况茲歸全氣息纔屬形神惙然哭不爲位哀不  
成禮卧牀宛轉如刀集體祔轉曉發銘旌前啟魂無不  
之歆此牢醴尚饗

祭唐評事文

維貞元二十年歲次甲申十一月壬戌十六日丁亥禮  
部侍郎權某 云云故大理評事唐君之靈昔與之子江



湖觀止伯仲怡怡含章致美麗則拔俗清言會理策名  
東堂交辟知己始賓岐陽爰佐景通四名安卑虛懷蹈  
中朝多薦延方俟至公才則有裕命胡不融自展嘉姻  
纔逾半歲索居大半書札相繼北自鄜時南遵白帝巴  
峽泝泝風波迢遞反駕京轂遄嬰病癘旬朔之間奄然  
下世自古哲賢或非大年吁嗟嘉言今亦已焉噉噉孤  
嗣窮訴彼天舊篋遺草深交絕絃室有才叔含酸晝哭  
靈輜就路遺屑在腹與協熊羆次昌嗣續波崩塗潦悽  
悽風燭顧女弟以增歎想斯人之不復白馬素車寒原  
夏屋奠觴雪涕逆此瞑目尚饗



告王考禮部府君文

維元和十二年歲次丁酉七月戊子朔十五日壬寅孤  
孫山南西道節度管內支度營田觀察處置等使銀青  
光祿大夫檢校吏部尚書興元尹御史大夫扶風郡開  
國公食邑二千戶某敢昭告於王考贈尚書禮部郎中  
府君伏惟尊行令德不丁於時義方教忠貽厥延耀今  
王妣靈轉至自澤國龜筮叶吉啟祔有期聖慈孝理贈  
典褒賁敢用遠日祇焚命書禋服徽數加大夫之飾官  
守拘限不獲躬親謹遣男監察御史裏行璩以柔毛剛  
鬣嘉薦醴齊將命襄事伏惟尊靈降格



告王妣楊氏文

維<sub>云云</sub>敢昭告於王妣夫人宏農楊氏伏惟坤順協德  
閨門流慶昔歲違難假葬南方今龜策告猷歸附伊洛  
先遠將及恩禮特加王考府君有褒錫之命限以守在  
方任兼領戎師不獲榮獲道途躬奉窀穸殘生孤苦萬  
感在心謹遣男璩以柔毛剛鬣嘉薦醴齊展禮伏惟尊  
靈降格

告先公貞孝公文

維<sub>云云</sub>敢昭告於考贈太子太保貞孝公妣贈絳郡太  
夫人隴西李氏追惟亂歲奄失嚴訓迨至立年再鍾茶



寥零丁孤藐苟未滅身自幼逢聖明獲備將相祇循教  
義摧割肝心伏以潤州壤樹久已安宅但地遠江介心  
焉匪寧遷神反祔永懷怵惕伊水之陽喬木斯在伏以  
二尊棄代年紀寢遠四承追命再受封疆禮官易名考  
功奏議今因祖載備舉徽章王考府君恩加贈典申下  
養之義遂罔極之誠孤蒙無似觸緒崩裂受命守土有  
闕躬親謹遣男璩以柔毛剛鬣嘉薦醴齊將事祇薦伏  
惟尊靈降鑒永寧厚載

祭子壻獨孤少監文

維元和十年歲次乙未四月壬寅朔六日丁未外舅太



常卿權某敬以清酌時羞之奠致祭於故祕書少監贈絳州刺史獨孤郎之靈噫嘻大鈞生死沍沍壽夭紛綸古人罕言豈造化流形不與其全或一氣滑湣偶然而然嗟我子壻時之令德自誠而明必協於極前殿大對諫垣正色中臺有聲東觀以直訓辭溫雅視草宥密當時之選必居第一玉立噉然古之淵騫抗詞犯顏勇若諸賁立不易方卽之也溫道乃前定實安於仁時爲憲公先友是敦旣以聲子之舊復茲戴侯之親歡言戾止十五年矣始遇弱冠今纔強仕會朝方駕居室同里愛我以德忠言在耳勞績盡瘁疾嬰腴理乞身上言移亞



外史謝絕人寰屏居鄠田莫此宴閑百疴就痊神理曠  
昧晦明纏綿勿藥難徵駈車言旋吁嗟風燭糾纏倚伏  
涉路猶理入門而復親賓怛化里閭行哭如何斯人奄  
忽不淑物情所望必至宰匠惟君知臣注意寅亮如因  
劇切然後交鬯動於險中終不委上徹瑟之辰萬情百  
身孤孀噉號所不忍聞念以蒙稚孝思天至禮逾成人  
哀感異類昔謂福善今疑報施臧孫有後惟此可與翻  
翻素旌東指鼎成鮮原夜壑密印芻靈總衰已除服紀  
太輕如何此禮不稱予情薤歌楚挽一往不返哲兄襄  
事茹痛終鮮送爾冥冥顧予衰蹇悲哀所鍾賢達未免



木車之文集 卷三十一  
三  
寓形必化何早何晚雖以懷終不能自遣淚盡彌苦魂  
交可展奠茲一觴臨訣先遠尚饗

祭孫男法延師文

維元和十二年歲次丁酉五月庚申朔十三日壬申翁  
翁婆婆以乳菓之奠致祭於九歲孫男法延師之靈爾  
之敏悟爾之孝愛纔至齟齬已能知書倦息猶在於文  
字嬉遊不離於硯席其姿狀有外祖河南之風懿茲夙  
成必謂致遠疾瘍所邁醫禱無瘳竟罹天枉痛切心骨  
况自二歲三哭殤孫逝者日遠存者無幾吾以衰年多  
病支體不隨爾父在京不見其絕痛爾樽櫝歸遵畏塗



今日哀懷尤倍常理頃者求拔苦海依歸度門故於歛  
襲率以緇褐今之祖奠靡設羶腥苦痛之深遣割不去  
臨路長痛嗚呼奈何

祭外孫女文

維元和十二年歲次丁酉六月己未朔十二日庚午外  
翁婆以清酌庶羞之奠致祭於獨孤氏孫女妹妹之靈  
吾殘生衰苦殃禍相循四年已來七遭傷悼今日之痛  
情又倍常以前年再丁齊斬意其孤苦備極或保安全  
神理謂何又茲天闕自嬰羸恙雖未痊除而神用精明  
不減平日昨以晦朔歸奉几筵信宿之間幽明已隔祥



告倘恍如狂如癡呼天不聞此痛何極况今冬除禫來  
歲初筭方擇良對以圖先近豈吾之薄佑有忤神明復  
爾之稟命不可踰越理遣不去情鍾奈何吾家壤樹宛  
在伊洛今爾體魄歸耐壽安吾多病繭然義期可見生  
也死也如環斯循倘冥冥有知與爾爲泉壤鄉黨漑  
酒申訣嗚呼痛深尚饗

權載之文集卷五十



補刻

陸贄翰苑集序

嘗讀賈誼書觀其經制人文鋪陳帝業術亦至矣待之  
宣室恨得後時遇亦深矣然竟不能達四聰而盡其善  
排羣議而試厥謀道之難行亦已久矣東陽絳灌何代  
無之嘻一薰一蕕善齊不能同其器方鑿圓柄良工無  
以措巧心所以理世少而亂日多大雅衰而正聲寢漢  
道未融既失之於賈傳吾唐不幸復擯棄於陸公公諱  
贄字敬輿吳郡蘇人溧陽令侃之子年十八登進士第  
應博學宏辭科授鄭縣尉非其好也省母歸壽春刺史



張鎰有名於時一獲晤言大加賞識暨別鎰以泉貨數萬爲賚曰願以此奉太夫人一日之膳公悉辭之領新茶一串而已是歲以書判拔萃調渭南簿本傳御史府以監察換之德宗皇帝春宮時知名召對翰林卽日爲學士由祠部員外轉考功郎中朱泚之亂從幸奉天時車駕播遷詔書旁午公灑翰卽成不復起草初若不經思慮及成而奏無不曲盡事情中於機會倉卒填委同職者無不拱手歎伏不能復有所助嘗從容奏曰此時詔書陛下宜痛自引過以感人心昔禹湯以罪已勃興楚昭以善言復國陛下誠能不恡改過以言謝天下俾臣



草辭無諱庶幾羣盜革心上從之故行在詔書始下雖  
武人悍卒無不揮涕激發議者以德宗克平寇亂不惟  
神武之功瓜牙宣力蓋亦資文德腹心之助焉及還京  
師李抱真來朝奏曰陛下在山南時山東士卒聞書詔  
之辭無不感泣思奮臣節臣知賊不足平也公自行在  
帶本職拜諫議大夫中書舍人精敏小心未嘗有過艱  
難扈從行在輒隨啟沃謀猷特所親信有時讌語不以  
公卿指名但呼陸九而已初幸梁洋棧道危狹從官前  
後相失上夜次山館召公不至泣然號於禁旅日得陸  
贄者賞千金頃之公至太子親王皆賀初公旣職內署



母韋氏尙在吳中上遣中使迎致京師道路置驛文士  
榮之丁韋夫人憂去職持喪於洛遣人護溧陽之柩附  
葬河南上遣中使監護其事四方賻遺數百萬公一無  
所取素與蜀帥韋南康布衣友善韋令每月置遺公奏  
而受之服闋復內職權知兵部侍郎覲見之日天子爲  
之興改容敘弔優禮如此內外屬望旦夕俟其輔政爲  
竇參忌嫉故緩之真拜兵部侍郎知貢舉得人之盛公  
議稱之貞元八年拜中書侍郎平章事公以少年入侍  
內殿特蒙知遇不可與眾浮沉苟且自愛事有不可必  
諍之上察物太精躬臨庶政失其大體動與公違姦諛



從而間之屢至不悅親友或規之公曰吾上不負天子  
下不負吾所學不恤其他公精於吏事斟酌剖決不爽  
錙銖其經綸制度具在德宗實錄及竇參納劉士寧之  
賂爲李巽所發得罪左遷橫議者以公與參素不協歸  
罷相之議於公戶部侍郎判度支裴延齡以姦回得幸  
害時蠹政物議莫敢指言公獨以身當之屢言不可翰  
林學士吳通元忌公先達每切中傷陰結延齡互言公  
短宰相趙憬公之引拔升爲同列以公排邪守正心復  
異之羣邪沮謀直道不勝十年退公爲賓客罷政事明  
年夏旱芻糧不給軍校訴於上延齡奏曰此皆陸贄輩



怨望鼓扇軍人也貶公忠州別駕上怒不可測賴陽城  
張萬福救之獲免蜀帥韋令抗表請以贄代已歲賂資  
糧公在南賓閉門却掃郡人稀識其面復避謗不著書  
惟考校醫方撰集驗方五十卷行於世江峽十稔永貞  
初與鄭餘慶陽城同徵還公已薨歿時年五十二公之  
秉筆內署也推古揚今雄文藻思敷之爲文誥伸之爲  
典謨俾獯豸向風懦夫增氣則有制誥集一十卷覽公  
之作則知公之爲文也潤色之餘論思獻納軍國利害  
巨細必陳則有奏草七卷覽公之奏則知公之爲臣也  
其在相位也推賢與能舉直措枉將幹璿衡而揭日月



清氛沴而平泰階敷其道也與伊說爭衡考其文也與  
典謨接軫則有中書奏議七卷覽公之奏議則知公之  
事君也古人以士之遇也其要有四焉才位時命也仲  
尼有才而無位其道不行賈生有時而無命終於一慟  
惟公才不謂不長位不謂不達逢時而不盡其道非命  
歟裴氏之子焉能使公不遇哉說者又以房魏姚宋逢  
時遇主克致清平陸君亦獲幸時君而不能與房魏爭  
列蓋道未至也應之曰道雖在我宏之在人蜚蝗竟天  
農稷不能善稼奔車覆轍孔子亦廢規行若使四君與  
公易時而相則一否一臧未可知也而致君不及貞觀



開元者蓋時不幸也豈公不幸哉以爲其道未至不亦  
誣乎公之文集有詩文賦集表狀爲別集十五卷其關  
於時政昭昭然與金石不朽者惟制誥奏議乎雖已流  
行多謬編次今以類相從冠于編首兼略書其官氏景  
行以爲序引俾後之君子覽公制作效之爲文爲臣事  
君之道不其偉歟

左武衛胄曹許君集序

建安之後詩教日寢重以齊梁之間君臣相化牽於景  
物理不勝詞開元天寶以來稍革頽靡存乎風興然趨  
時逐進此爲橐籥紳佩之徒以不能言爲恥至於吟詠



性情取適章句者鮮焉有許氏子者名經邦字某世得  
命官不書於此如舉其始終之略以著於篇君天授純  
靜不遷於物修檢之中須有夷曠早孤家於鄱陽有佳  
山水遂以貞遯爲心不近聲利孝敬溫信著於州里保  
閒樂退無所撓屈家人近習未嘗見其喜愠之色謀學  
業文以此爲適相國第五公之爲郡也軾間懸榻以禮  
之咨於連帥薦授試左武衛曹參軍有別野去家百里  
秋八月溯溪而上灘極險不幸溺於秋濤之中嗚呼踐  
儒行而未申其用霑初命而未至於祿受全氣而不終  
其壽此三者所以爲士友之病凡所賦詩皆意與境會



疏導情性含寫飛動得之於靜故所趣皆遠其道退其  
徒寡不交當世故知之者希惟昌黎韓愈泰山羊滔最  
爲友善羊旣物化韓爲江西從事今年余役於鍾陵而  
君去世之三歲也文行實錄皆得之於韓噫嘻士之修  
道向晦不耀於時以泯沒者可勝道哉如許君者潔身  
於困約之中講義於蓬茨之下以六藝之文爲富以一  
畝之宮爲泰齊人吹竽楚人泣玉故志業內固一未  
發介然居易以至歿身其古之牆東谷口之徒歟韓以  
其詩三百篇授予故類而爲集

韋賓客宅宴集詩序



太子賓客韋君影華纓佩金龜爲清時大僚有數年矣  
始以博士奉朝請周厯臺閣出分藩符入作卿長乃領  
內府又賓東朝拜章乞告優詔得請致仕就第燕閒自  
頤中外族屬嘗僚貴仕以觴酒祝延發禮修賀者多矣  
以兄始登朝行實自禮寺蕃祉吉祿此爲椎輪於是眾  
君子學通行修嘗踐此任者與今之引經據古屈職在  
列者同聲撰日復修茲會乃有夏官小司馬左右曹侍  
臣書殿東觀柱下史南宮郎九旋十疑而鄙夫忝焉入  
門而右勝概迎步聳一檻於賓位羅松篁於石徑清冬  
之時寒翠溢日則熙春眾卉炤灼駘蕩又可知也軒蓋



上下壺觴交錯聆主人之言則同惇史聽眾賓之論如在曲臺徜徉乎禮文博約乎法義樂在名教慶茲壽寵中飲霑醉抗音擊節乃相謂曰季倫金谷實有歌詩元亮斜川亦疏爵里况今賀得謝之美賦必類之詞愛景美祿遺簪投轄盛集之若是者有幾安可沒而不書猥微菲薄以附官業今裴辛呂三君子皆講學稱職而司勳滿歲復留再帖郎位猶四命焉前此者柱史之超拜浹日矣鄙夫之忝茲一紀矣二左曹東觀十二年矣原注陳君二十年馮君二十年張君小司馬向三十年矣而十八年今云二十年開中半也主人逾四十年矣其於折中定議損益於儀法多矣原注



兵部二十八年主人四  
十五年向逾舉全數也  
外有平陽長樂二連帥  
韋君柳君絳柳和三郡  
守裴君李君  
前蘇州韋君信州陸  
君  
守之介劉君六邑之長  
姜君合中外歷是者十九  
人因廣斯文且爲禮官之籍

開化圖  
Karkua li



藏書之印

開化圖書館

Kaichua library

丁



權文公集校補

長沙葉君定侯於坊肆得是集八册無序跋卷第凡二十七  
 卷取校大興朱氏刻本有賦無詩短文四首及書類附札疏  
 狀類勅批各如干篇而溢出朱本者亦得十首焉以四部叢  
 刊收印朱刻馳函見告願借校錄今夏載書來滬因得假讀  
 原書每半葉九行行二十二字字作端楷每卷首兩行空無  
 題署中縫卷尾亦無書名卷目惟首卷文前載有撰人傳略  
 四行傳首名氏仍空兩格不書讀下文始辨為文公集也定  
 侯跋斷為清人彙刻唐人文集之一而剗削未完者審其板  
 刻制作近是而詳校全書遇仁宗諱已用玉炎璵等字代之  
 殆為嘉慶刊本即据朱刻刪詩存賦汰去附刻諸篇

漢魏先  
唐文集

舊本大都賦在卷首同時唱和篇什亦附存焉此書朱刻賦在詩前其書類  
附札疏狀類附批非本集無所傳麗朱刻亦有之可信其尚出舊編原第也 補

其闕略之目別又蒐輯集外文章以類從附歸併成書故卷



帙較少而篇什有加編次迥異而端緒可尋若是也書未印  
行世無傳本屬以叢刊再版爰從訂譌補闕錄為校補一卷  
附之冊末以不沒定侯之盛心焉詩集十卷別從席刻權文  
公集校訂目錄原有舛漏並按本書舉正以便讀者丁卯大  
暑吳縣姜殿揚記

卷第一

一葉七行

留軒所以

莫留軒以

八行

離

十一行

於

以 ○二葉二行

波神

波臣

以下詩十卷別據席刻本權文公詩集校正如次

三葉十二行

人安

又安

○四葉二行

仲月

仲春

八行

引

弘按宋刻弘字多作引

十七行

事

惟 ○六葉五行

寒

秋

六行

空

室

十七行

晚

曉

○七葉二行

閉居

閉戶

支策

杖策

八行

林盤

村盤

○八葉七行

讌望

讌坐

十四行

仍

乃

○十葉十九行

尚平

向平

卷第二

三葉十九行

七十

十七

○六葉十四行

侍衛

侍御

○七葉一行

飢雁

飢鷹

二十行

池籠



池龍 ○九葉五行 辯辨

### 卷三

二葉十六行 丹岸 丹崖 ○四葉一行 大江 天外 九行 隱机 隱几 ○五葉五行 住 生

八行 太祈 太祀 ○六葉十二行 外延 外廷 ○十葉十四行 寺王 寺主 ○十一葉六行注 比

時

### 卷四

一葉十行 避難 違難 十二行 齊竿 齊筭 ○三葉十六行 待 侍 ○六葉二行 池籠 池龍

十八行 踎爾 婉爾

### 卷五

一葉九行 辯辨 ○二葉十二行 泛絃 泛絃 ○三葉七行 風嵐 嵐風 十二行 玉 王 ○四葉

十四行 柳寺 柳市 十六行 赴官 赴行在 ○五葉十行 白 貌 ○七葉二行 侍御 侍郎

十一行 波沔沔 波沔沔

### 卷六

謹交 二 涵 芬 樓



一葉十五行 潛躍潛耀 ○二葉二十行 遵尊尊尊 ○六葉九行 鳥瀉 坂沃 十五行 江

陸江陵 ○八葉七行 秋風秋嵐

卷七

三葉六行 似勝 七行 隱机隱几 九行 紅葉紅藥 ○四葉三行 車林東林 十九行

枕前枕邊

卷八

一葉四行 詞歌歌詞 九行  輿 ○二葉十行 日月 ○三葉二十行 舟丹 ○六葉五行 共

嗟暗嗟 十一行注 私和 十七行注 詠篇詠兩篇 十九二十行 王猷三獻 ○七葉三

行 敏才司史才同 四行  賢 五行注 好四尤好 十六行 雨雲雨雪 繼寄

○八葉十八行 正巾山市 ○九葉六行 世斯 ○十葉一行 業策 十三行 里閣里閭

卷九

二葉十四行 無舞 ○三葉八行 綠翠綠草 ○六葉五行 久央

卷十



一葉十四行 鴛鴦 ○三葉九行 輕裙 輕裾 ○四葉四行 珠綴 綴珠 含 涵 十二行 餘 飯

○五葉十七行 辯 ○六葉十行 排 挑 十九行 太官 大官

### 卷十一

一葉十行 方國 萬國 十二行 受命 無命字 ○二葉十一行 陝州 陝府 十六行 冒役

冒沒 十七行 填游 填淤 ○三葉十一行 而推 而時推 ○四葉二行 商 裔 三行 涯 崖

○五葉三行 君 容 六行 亨 享 ○六葉三行 符陽 范陽下同 十三行 習 襲 ○八葉三行

誓公 誓心 十六行 幅 輔 ○九葉十六行 左右 亟 丞

### 卷十二

一葉二十行 湯 易 ○二葉五行 宜 眞 七行 傳 傅 ○五葉五行 師 帥 ○六葉七行 泗 泗

十二行 燠休 噢咻 ○七葉十五行 南郡 南康郡下同 ○八葉五行 如 而 九行 初侍 初

由侍 十行 馬 農 十二行 一二三 十五行 騎 驍 十六行 嶽子 無子字 十七行 母

武 十九行 造 道 二十行 保 師 ○九葉十七行 師 司 ○十一葉五行 禽 會 七行 互

元按原本作玄互爲形誤元乃避諱 八行 唐 王 十二行 客 容 十三行 應 處 ○十二葉一行

灌交 三 涵 芬 樓



有行 有士行 三行 項 頃 四行 明 閔 朗閔 二十行 吉 告 ○十三葉一行 順以

孫之 七行 展 展 九行 萃 萃 ○十四葉九行 □ 祠

卷十三

一葉十二行 四方 四代 勒 勤 十三行 流 旒 十四行 藩 蕃 十八行 大 文 ○二葉

三行 勤 勒 八行 覆 復 十四行 竟 境 十六行 離 場 罹傷 一一 殄 十

八行 勤 動 十九行 右 左 病 疾 ○三葉一行 贈 賻 三行 一一 一 七行 特 突

八行 大 卿 太常卿 十二行 單 于 上有為字 十三行 普 王 出 車 晉王出車之重 十九

行 時 所 二十行 義 儀 ○四葉四行 著 紀 著行紀 六行 循 修 九行 職 喪 識表

十三行 推 摧 十八行 咸 成 同 公 ○五葉一行 中 終 十四行 西 人 隴西人 十

八行 誼 誼 二十行 冠 貫 ○六葉六行 師 司 八行 中 舍 舍人 十七行 潔 絮 十

八行 真 直 ○七葉二行 稽 起 有 尤 七行 將 詳 八行 謨 匡 猷譎 十行 先 常

先正常 十四行 偏 備 十五行 慙 天 ○九葉五行 於 制 於法制 ○十一葉五行 碑 俾

十二行 州 川 十八行 光 先 ○十二葉十四行 稜 陵 十七行 仕 土 ○十四葉十八行 形 刑



卷十四

一葉九行 琴 下有瑟字 十行 某郡 定州義豐 ○二葉二行 扶風 上有右字 五行 天子

展儀 天兵展義 十五行 介 公 十九行 綱 網 ○三葉八行 小 少 重任 重寄至

十行 付 作 十六行 某官之 某官某之 二十行 漢 朝 ○四葉六行 代 他 九行 大

學 太學 十一行 未極 無極 十五行 虛 墟 十七八行 王友王友 下二字不重 ○

五葉二行 填 瑱 鑑 鏗 十九行 左右 ○六葉十二行 以代焉公 公上無以代焉三字

十三行 若 者 十九行 師 保 ○七葉六行 毒 荼 舉 與 十行 宜 衛 十二行 石 矢

十四行 倏焉 渺然 ○八葉六行 洛相 上有邢孟二字 明明生進進生 明進明進生

七行 刺 長 十四行 左右 ○九葉一行 朝論 上有不就二字 六行 是歲 於是

九行 識 誠 十行 曼 蔓 十八行 友 犬 ○十葉一行 六 五 三行 死 斃 四行 又

勿使 無义字 九行 安 資 十九行 密 玉 二十行 清 德

卷十五

三葉七行 疾力 力疾 九行 怯 劫 十二行 幹 幹 十四行 右 左 ○四葉二行 唯厚



德 無唯字 二十行 得條 得以條 ○五葉五行 陽 揚 六行 謂行顯揚 謂仁揚 十

三行 河東 河南 十六行 權 擁 十八行 旋師 旋旆 ○六葉四行 達 達 七行 攝 攝

八行 理民 理命 九行 止六十 止於六十五 十五行 曰 上有中郎二碑竊善頌於無愧春

秋五例冀終義於後經銘二十一字 十八行 曰 田 ○八葉十五行 待 待 二十行 年 年 二十行 戶

尊 ○九葉十一行 部 郡

### 卷十六

一葉八行 萃 筮 十一行 獻公 獻之 十三行 隨 隋 東 來 十八行 割 割 十九行

幽 幽 潞城 潞州潞城 ○二葉一行 又 及 二行 愧 隅 十六行 建州 無州字 十

九行 幹俗 有幹裕 ○四葉三行 仲曼容 仲叔容儀 四行 合 命 五行 澤流根兮

恩漏泉 澤流根葉兮恩及漏泉 七行 斯不 斯為不 十四行 渭 衛 瓌 瓌又重一瓌字

十六行 倉 法 十七行 如古 如見古 十八行 紕 詘 二十行 金城縣 金城府 ○五葉

三行 風 行 五行 為 有 ○六葉一行 筮 任 筮仕 七行 燕國夫人 燕國太夫人 十

四行 理 吏 十五行 此 北 ○七葉八行 右 左 十五行 乃 仍 二十行 命 或 成命 ○







下 天子 四行 顧 視 六行 右衛將 右衛上將 十三行 夫人 太夫人 十五行 嵩

崇 十九行 酒 會 ○九葉二行 滑 滑 四行 換 授 ○十葉七行 支兵 之兵 ○十二葉六

行 卿 鄉 十七行 南 凶 ○十三葉十行 君 居 十三行 乃 仍 ○十四葉五行 御史工

部 御史殿中侍御史工部 八行 戶 方 十行 伯 仲 十一行 滑 泪

### 卷十八

一葉七行 以續 似續 九行 修 備 十一行 疲 被 十三行 二大 二州大 十五行 確

確 ○二葉十六行 率 率 十七行 老壽 壽考 ○三葉三行 亦 以 齋 齊 ○六葉二行 震

宸 五行 鄉 鄉 〇 幸 十行 义 大 十五行 衛 街 ○七葉一行 誠 陳 五行 虎

齋 六行 省 旨 十一行 圻 祈 十四行 煥 歡 ○九葉六行 一 二 十四行 輔 補

十五行 輝 耀 十七行 明封 門風 二十行 相公 公相 ○十葉十三行 御史 兼御史

十八行 姊 妹 二十行 今大尉 大作太 ○十一葉三行 樂石 樂石也 ○十二葉九行 某 其

十三葉十行 死生 生死 委 秀 十四行 故 改 十九行 召 召入 二十行 恬然

上有二十一日四字 ○十四葉三行 至于 至六祖 五行 生死蘊 生死幻蘊 十二行 以似



則煩惱 則知煩惱

卷十九

二葉一行 客容 三行 居長 十六行 魏衛 ○三葉六行 息恤 ○四葉二行 确角 五行

所許 十三行 口戶 ○五葉八行 場壘 濠壘 九行 軍而 十四行 千十 十六行

勵激 ○六葉四行 彼暴 彼但暴 六行 生聞 七葉一行 之義 下有也字 十六行 等

行軍 等軍行軍 十九行 條徐 ○八葉四行 庭廷下同 六行 干汗 ○九葉四行 命明

七行 為乃 十三行 弔使 弔祭使 十六行 文理 文史 ○十葉三行 蕃藩

卷二十

一葉四行 郎大夫 ○二葉十五行 循修 ○三葉十一行 主後 主後事 ○四葉三行 大中 太中

十九行 兩西 離罹 ○五葉一行 書辟 辟書 九行 團練 都團練 ○六葉一行 傍謗

六行 出牧 其出牧 九行 各穀 十七行 表奏 二十行 毗吐

卷二十一

一葉九行 折析 ○二葉一行 右左 二行 焯悴 三行 空徒 十四行 反皆 十七行

謹按 樓



以二萬 以萬 十八行 侵 浸 ○三葉一行 大山 太行 二行 謁 警 六行 和 私

十行 榮榮 卓榮 ○四葉六行 紀 褒 壯 恢 ○七葉一行 價 賈 十七行 終 中 ○八葉八

行 刑 形 十九行 載 戴 ○九葉十一行 司 史 十六行 偕 階 合同 十八行 理

俚 二十行 西南 西道 ○十葉七行 戒 戎 ○十一葉五行 其 具 十四行 名 銘

卷二十一

一葉九行 代 伐 十四行 義 議 十五行 和 知 十七行 代德之 無之字 者也 於後

十九行 鹵 府 一一三 ○二葉一行 一月 無一字 三行 謁 詣 有洛 洛師 五行

服 勤 十一行 雋 舊 陽休 揚麻 十三行 聳然 從善 十七行 編 篇 十八行 □

孔 ○三葉十行 聲 形 十一行 襄 壤 十二行 唐故 唐丞相 ○四葉六行 一 貳 八行 陝

侯 十五行 老 禮 十八行 披摺紳者 摺紳瞻仰者 ○五葉二行 愛 賴 九行 石 絲

○九葉五行 淑 叔 十一行 為給事中 上有令課最為戶部左司二郎中由常州刺史理刑第一徵二十

一字 十二行 常侍 下有以右散騎常侍六字 江南 江西 十三行 鹽鐵轉運 無轉運二字

十七行 大雅 稟大雅 十九行 奇 袤 差失 ○十葉一行 桎 梏 則 至 七行 偉 佐



滯 十四行 多 得 十七行 所觸大車所 觸虛大車以 十八行 嚴重 所嚴重

英精實 無英字 十九行 不為 而不為 〇十一葉二行 久 究 四行 允 勺 八行

仕次 無次字

卷二十三

一葉十二行 冰 永 〇六葉一行 盧 廬 〇八葉十行 是 足 〇九葉十四行 戎左 戎佐

卷二十四

二葉四行 捷 棧 十一行 兵處 兵攸處 十三行 十 百 〇三葉三行 賈 商 十六行 刻

石 刻壁石 〇四葉五行 秦 秦 十行 石 右 〇五葉四行 昭 貽 十九行 達達 達達

六葉一行 眷 眷 四行 率 師 八行 河南 河內 十八行 力 方 〇七葉三行 南 男

九行 長 刺 十一行 子 子 十四行 遺 違 〇八葉十五行 均定 均安 〇十葉五行 參 慘

十五行 加以 十六行 景子 二十日 二十行 直而不黨 直而和羣而不黨 〇十一葉

九行 慟耶 慟也耶 十三行 夙 飄 十七行 誓 誓 十八行 理 好 〇十二葉三行 修身

上有君字 八行 及其 十行 難 雖 十八九行 內外埽 內外灑掃

七 芬 樓



卷二十五

一葉二十行 師 帥 ○二葉八行 孫也 無也字 十一行 某官皆 某某官次子某某官等皆 ○三

葉五行 列考 瞻 烈考 瞻 八行 關 關 ○四葉二行 左右 六行 秩以 秩至 大農

大司農 七行 邠 邵 十一行 蕃 藩 十三行 始 斯 十四行 詒 離 貽 羅 十五行 外

姻 外戚 ○五葉二行 王族 公族 十五行 評 平 ○六葉三行 以為 已為 四行 率 率

六行 獻 熟 納 獻 十行 里 理 二十行 鄭氏 下有某官某之孫五字 ○七葉七行 遡 翔

十四行 筆 華 十七行 領 胄 ○八葉二行 列 歿 十一行 揮 輝 十六行 史事軍

司錄事參軍 ○九葉一行 下 丁 十六行 衆 泉 章保 保章 吉 考 ○十一葉十六行 三

子 無三字 十七行 將 時 誌 銘 ○十二葉三行 至 生

卷二十六

一葉十四行 右史著作郎 無右史二字 ○二葉一行 先太君 上有先公二字 ○三葉十二行

異域 下有至字 十三行 下 卜 五葉八行 二 生 十一行 志 智 十五行 濳 浸 ○

六葉四行 在 存 八行 洪 涪 九行 待 侍 按此為文公族人名凡遇無待均作無侍下同 ○七葉七行



筭 筭 十六行 縣方 ○八葉十四行 文行清 文行清修 ○九葉十行 在裔 在後裔 ○十

葉八行 攝攝 十四行 乃仍 二十行 曾祖 無祖字 十一葉十七行 雅儒 雅儒 ○十二葉

七行 延宴 延宴 九行 澗河地 無河字 十行 士仕 十一行 縣大夫 縣令大夫

十七行 茶 茶 十九行 郵延 郵坊 ○十三葉一行 中錫 中丞賜 一二行 十年四

十四年 八行 某甲子 某日甲子 十行 情情 緣情 十二行 息 洎 十三行 筭 筭

十五行 經 謹 儀 義 ○十四葉九行 薦延授 無延字 十三四行 軌轂下所莅 輦

轂之下 十五行 授 受 察視者 上有司字 二十行 急 君 ○十五葉七行 建昌縣 下

有丞字 十六行 命 名 十九行 鮮 蘇 ○十六葉十二行 洪 宏 十六行 含光 含元 十

八行 官 宮 ○十七葉三行 出 由 十八九行 未齒 未克齒 二十行 護 獲

### 卷二十七

一葉十一行 憬生 憬憬生 ○二葉六行 歸 館 八行 人 仁 ○三葉一行 推 摧 十六行 有

加 有加也 ○四葉四行 夫人 夫人李氏 十行 南宮 南宮 十四行 一二三 十五行 河

南 河內 ○五葉十五行 輝 暉 二十行 周秦間 周秦甸圻間 ○六葉三行 女士 士女

謹 謹 涵 芬 樓



十四行 暉 暉 十六行 口 卽 二十行 薦 累 ○八葉七行 梁 涼 十四行 理 禮 ○九葉

十九行 裝 裝 ○十葉八行 離 羅 ○十二葉二十行 說 設

### 卷二十八

一葉九行 於 有 十三行 直 眞 十四行 元 懸 十五行 居 名 十六行 虔 處 ○二葉

六行 四年 二年 十行 交感之際 天人交際 ○三葉二行 巧 功 三行 知 妙 三行 示 亦

四行 冥 眞 十二行 長寺 長壽寺 十五行 最上乘 最上有登字 十八行 壽 應

十九行 世 內 ○四葉二行 纒 纒 三行 捨 拾 六行 期 斯 ○五葉十一行 齡 應 十

五行 肅 肅 ○六葉九行 連 蓮 十九行 待 侍 ○七葉二行 茶 茶 十八行 宣武 宣父

二十行 菩薩提 菩提 ○八葉二行 亦無忘 亦所以無忘 十行 太清供奉 太清宮供

奉 十一行 却 却 十三行 循其妙然後 循其照觀其妙自然 九葉九行 守相 德業

十二行 隨 隨 十四行 父子 才子 十六行 大 太 風 鳳 二十行 春 憲 ○十葉七行

俱 居 八行 一人 一以 九行 得其 得時 十三行 不見 睽 不見其睽 十六行 紀

號 下有皇上宅位六祀七政貞明於上七教敷聞於下其有不迪不吉不庭不若之徒皆欣然而和曠然而化四十字



十七行 **有司** 下有頌示中外故臣得而言之以形歌頌十四字 十九行 **生類** 下有協夫五行五事之用八

字 **心星** **古** 占 ○十一葉一行 **聖人** 下有曰字 三行 **符節** 下有其年秋平河中之寇葬其遺

骸復其世祀班淮右之師用宏文告用去武備此二帝三代所以恢令名也於是一統類以昭德明法制以塞違薦禮百神寶

懷曠俗嘉瑞美祥紛委狎至置之而不有哲人端士連茹播職求之知已失然後端拱於穆清怡神於靜冥驅一代為純誠接

萬靈於明庭斯又登邁遠古光昭聞見巍乎紹天統物之盛者也一百三十二字 四行 **關** 闕 七行 **回復**

肸饗 十四行 **和** 利 ○十二葉四行 **清** 請 六行 **挈** 挈 十四行十七

行 **傳** 並作傳 ○十三葉七行 **禮有** 禮禮有 十四行 **夫非大聖** 非天人大聖 十五行 **沒**

覆 十六行 **則游於斯** 之由 ○十四葉 **伸** 呻

### 卷二十九

一葉七行 **月朔日** 十月景申朔 十三行 **貞觀符** 貞觀同符 十四行 **鴟誼** 氣禔 ○二葉

五行 **躬** 窮 **大烈** 大律 六行 **末** 天 十行 **太尉某** 太尉門下侍郎平章事杜黃裳 十

八行 **允** 啓 ○三葉三行 **盡** 壽 四行 **備** 慈 四行 **血** 恤 **鮒隅** 耐虞 五行 **猶** 吉

九行 **世世** 太陰 ○四葉十一行 **直方** 方直 十三行 **無** 莢 十五行 **可徵** 可以徵 ○五

權 樓 涵 芬 樓



葉二行 生悅在 生聚悅安 十六行 所未周 所見未周 ○六葉十一行 而又無勞 又無

所勞 ○八葉十三行 惟準 ○十葉九行 殷啓 十一行 元周人 無元字 之祧 下有也字

十五行 眷睿 十八行 裁擇 下有謹議二字 ○十一葉七行 既太祖以上 既列太祖之上

### 卷三十

一葉十八行 智忽 十九行 別折 ○二葉一行 婦夫 七行 誠戒 十四行 太

大 ○三葉一行 殺絨 八行 疑肄 ○四葉七行 出山 十二行 務督 ○五葉四行 惡

中 八行 人道 十四行 之有所 之下有所 十九行 善莅 ○六葉三行 故斐然成

文 故為論之 九行 當世 當東漢世 十一行 恩奮 無奮字按奮字疑奮之譌 十七行 待伺

十八行 詣闕 下有也字 十九行 反爵 反乃爵 ○七葉五行 換渙 訓倫 九行 左司

郎 左司郎中 十一行 吳太伯 吳以太伯 十二行 蹈超 十五行 天下心 天下之心

十六行 况然 十八行 物無逃數儻吳數 物無所逃數 ○八葉一行 言之 下有過矣

二字 四行 遠達 ○九葉六行 得之以四 得之以是 ○十葉五行 騎有魘 寢有魘

### 卷三十一

一葉六行 七行 八行 九行 十行 十一行 十二行 十三行 十四行 十五行 十六行 十七行 十八行 十九行 二十行 二十一行 二十二行 二十三行 二十四行 二十五行 二十六行 二十七行 二十八行 二十九行 三十行 三十一行 三十二行 三十三行 三十四行 三十五行 三十六行 三十七行 三十八行 三十九行 四十行 四十一行 四十二行 四十三行 四十四行 四十五行 四十六行 四十七行 四十八行 四十九行 五十行 五十一行 五十二行 五十三行 五十四行 五十五行 五十六行 五十七行 五十八行 五十九行 六十行 六十一行 六十二行 六十三行 六十四行 六十五行 六十六行 六十七行 六十八行 六十九行 七十行 七十一行 七十二行 七十三行 七十四行 七十五行 七十六行 七十七行 七十八行 七十九行 八十行 八十一行 八十二行 八十三行 八十四行 八十五行 八十六行 八十七行 八十八行 八十九行 九十行 九十一行 九十二行 九十三行 九十四行 九十五行 九十六行 九十七行 九十八行 九十九行 一百行



一葉六行 侍 治 八行 佑 佐 九行 苑 撓 十二行 佐侯 佐元侯 十六行 西少尹

西廳少尹 十八行 日 旬 ○二葉三行 然以 然也以 六行 壁記 上有廳字 十一行 庭 廷

十三行 宮 官 代 氏 十七行 申恩 擇賢 ○三葉三行 文 史 八行 大白漢 大

凡自漢 十四行 君子之道 下有也字 十六行 書 典 ○四葉七行 受命者多士心

屬 膺是命者多士必屬 八行 間不可過 聞不可過 十三行 用賢明 用心

聖明 ○五葉三行 虞南 虞世南 六行 臆 臆 八行 署 置 九行 孝文後元二十

年 後二十年 十三行 修 循 十四行 方 萬 十八行 命館之 命館之名 中 終 ○六

葉五行 岐公 岐國公 六行 齊 躋 八行 蹇產 蹇 十二行 綽 棹 十五行 闕 闕

○七葉七行 瞳 哇 八行 抹 升 十行 飛白書 下有答詔二字 十二行 左

騎 右散騎 王 主 十五行 待 示 十七行 奏 載 十八行 泉 泉 二十行 八分

書且其 八分諸書具其 元和元五年 元和五年 ○八葉四行 世 藝

卷三十二

一葉五行 師 帥 十二行 字 亭 十六行 探 採 ○二葉十行 西南 西北 ○三葉一行 右 西

謹校 十 涵 芬 樓



十行 則泉則亭 則下並有日字 南商 十三行 十月 上有冬字 ○四葉一行 占復

二行 奧 茂 四行 帝 常 七行 其於 無於字 ○五葉七行 化是 化易 十二行 庶

幾 庶微 十四行 涼 診 十五行 董仲舒之 之作推 十七行 刊 頑 ○六葉一行 庚

子日記 無日字 三行 靈泉塢 靈泉北塢 十一行 頰 瑩 十七行 白 帛 十八行

公本 公宗本 二十行 王氏 上有有氏 ○七葉六行 公公 虛公 ○八葉一行 腸 曾 五行

知之 予知之 ○八葉十一行 此身 此心 十五行 雨萬物 雨潤萬物 十八行 惑 感 ○

九葉一行 吏 使 左左 時左

### 卷三十三

一葉三行 同平章 同中書門下平章 四行 崔公集 崔祐甫文集 十三行 寄陳 寄意

十六行 攻 恐 ○二葉二行 浮 蒸 八行 務通則弊 務廣通則其弊 縱私回以沒

公是 縱私回則其弊以沒以是 九行 其弊 無其字 十二行 萬方軌 萬方同軌 臻而

無疵癘 臻至理而無癘疵 十四行 知理盡 知其理古 十九行 李公 李栖筠 ○三葉一行

名 命 十四行 風雅 無邪 十五行 辯麗 麗句 十九行 粹清 粹精 十九行 賦



賦 詩賦 ○四葉四行 篤行 下有將字 六行 相 朝 七行 蔽公丁 蔽善公 七行 子 於

九行 申樞 樞機 十三行 風 朝 十五行 詞 辭 十五行 崔君文集 崔君元翰集 ○五葉六行

不足者 力不足者 十行 易 周易 十一行 孝父 孝文 十四行 不為波流 上有

不為物遷四字 間 閉 ○六葉五行 乘 桑 六行 神師 禪師 六行 請尊號 請復尊號 九行

各 合 十一行 婞 勁 二十行 以文 以人文 ○七葉三行 經 疏 五行 絕 純 十六行

靡 摩 ○七葉七行 由 典 ○十葉十行 玉 王 ○十一葉四行 抗 操 八行 音 者 十一行

中丞 無中字 十二行 請刊其 請序引其 其有 別有

### 卷三十四

一葉十四行 巨 匡 十八行 崇 徽 ○二葉五行 絀 黜 九行 土城 至成 十二行 祖 下

有饒字 ○三葉十六行 載 歌 ○四葉三行 賢士公 無士字 五行 慮 虜 八行 律 祿

十一行 人 仁 大徇 無徇字 十五行 代 閱按代字似伐之譌 十九行 庭 廷 ○五葉二行

斤 斥 三行 直 宣 ○六葉二行 故 改 九行 之儒 碩儒

### 卷三十五



一葉四行 韋公詩集 韋君集 六行 敏以 敏於 二十行 十六稹 六十韻 ○二葉一行

境 十三行 干 十 ○三葉二行 今日 今者 十行 合州 合川 十七行 西 兩 ○四

葉二行 崔衛一侍郎詩集序 崔吏部衛兵部同任渭南縣尉日宿天長寺上方倡和詩序 九行

聲 磬 十一行 相應 ○五葉六行 靈情 性靈 九行 熊氏 賢熊氏 十九行 如而 ○

六葉十五行 酬之 酬和之 十八行 華 聲

### 卷三十六

四葉十三行 較 較 無譯字 ○五葉四行 衷 衷 八行 勤 僻 二十行 古 故 ○六葉三

行 伏熊載軾 熊車伏軾 七行 不自閉 不得自閉 ○九葉十一行 柎 附 ○十葉二行 故

願 是 得 ○十一葉二行 頃由 比年由 八行 旬朔 翺翔

### 卷三十七

一葉六行 前此中朝 無前此二字 八行 離孫 外孫 十五行 動靜者 動者靜者 ○二

葉二行 排 推 五行 事 車 ○三葉五行 勞 營 岩廊 廊廟 十一行 江南守臣 重

江南二字 ○四葉一行 氣 束 ○六葉六行 而 為 八行 金玉 無金玉 ○七葉三行 選日 撰日



○九葉七行 深以 深矣 十行 土有 上有 ○十葉十行 發功 發鏃 十三行 永崇開

輝 永徽開耀 二十行 年 耳 ○十一葉三行 豐 蘄 五行 之仕次 之登仕次 七行 其

餘則良會 餘則節食 十三行 隸 肆 十五行 敬封 敬叔 十九行 吾與況 下有也

字

### 卷三十八

一葉五行 物 夷 ○三葉五行 大 天 六行 歡 飲 十二行 常 方 相用 相為用 ○五葉

四行 子 予 十二行 禮者 禮之禮者 七葉一行 沃州 下有靈字 四行 三伏 三復

十二行 山中巾 山巾 十七行 遂性 遂性 ○八葉十二行 世物 世務 十六行 清 情

○九葉十二行 符 符 ○十葉十一行 蓬累 蓬藁

### 卷三十九

一葉十五行 詎茲 詎知 ○三葉十二行 儒 襦 十六行 溢 韜 ○四葉二十行 章 藻 ○五葉三

行 濱 實 五行 官 官 十三行 微言 經各 ○七葉四行 不 未 宣 富 七行 宣于

宣言于 ○八葉七行 四五人 四五十人 九行 明 名 十五行 祝 祀 ○九葉十五行 戔 若

籀文 十二 涵 芬 樓



○十葉十三行 衆子 衆君子 ○十一葉十八行 六義 文藝

### 卷四十

三葉三行 都 昇 專 傳 七行 六 百 十四行 下 惠 柳下惠 ○四葉十一行 誠 試 ○五

葉二十行 象 彖 ○七葉四行 爲 於 十行 問 同 ○八葉二行 冥 實 ○十葉十四行 求 可 求

才 ○十一葉三行 曾 氏 魯史 四行 微 觀 無 巫 八行 亦 生 十行 冠 婚 上有問字

十四行 裼 裘 疑 衰 裼裘襲裘 ○十二葉四五行 天下者 天下之動者 十二行 道 導

十三行 動 勤 ○十三葉一行 義 藝 ○十五葉十五行 乃 有 乃者 十七行 齊 濟 ○十六葉

六行 反 及 十二行 庭 廷 十四行 材 朴 ○十七葉二十行 極 也 極致也 ○十九葉十一行

必 不 不必 二十行 折 理 析理 ○二十葉四行 開 闢 六行 吏 部 下有試字 十七行

公 伯 方伯 十九行 固 子 ○二十一葉三行 才 方 四行 當 首

### 卷四十一

三葉二行 親 故 進 士 重一故字 五行 謂 之 俗謂之 十一行 木 偶 下有然字 ○四葉一

行 苟 避 患 吝 苟避患安時 三行 論 若 是 論之若是 五行 復 因 緣 復耶復因緣



十一行 蓋自 蓋不自 ○五葉四行 司諫隱 司諫無隱 六行 徼 徼 十行 故與建昌

姑與建昌

卷四十二

一葉十一行 躬 窮 十四行 忖 拊 十九行 不當 不敢當 ○二葉九行 所已 所以 十七

行 □ 口口 ○四葉三行 南 向 七行 展 上有日字 十行 域 性 鮮以 鮮能 十七行

後名輩 後來名輩 後當 復當 ○五葉十行 萬物 萬方 十五行 清 青 青翟 無青字

十七行 痛 病 二十行 安 實 ○六葉一行 大 丈 八行 意 章 ○八葉十七行 若建

瓴水 水上有决字 ○九葉十三行 百職 下有也字 ○十葉九行 逸 溢 訥 訟

卷四十三

一葉五行 某 憊 七行 交集 下有中謝二字 十二行 茲 慈 十三行 大化 大和 十六行

露 載 眷 睿以下各表眷均作睿 十九行 謝中書 謝除中書 二十行 某 邁 ○二葉六行

謹謹 廉謹 七行 睿言 睿慈 九行 假 使 ○三葉五行 某 邁 ○四葉七行 台司 上有

尸字 ○五葉二行 某 宗儒 除臣 下有爲字 九行 今 全 ○六葉十二行 愚無功 愚而無



功績 ○七葉四行 陳乞 乞退 五行 某 孰 ○八葉四行 理 切 九行 某 損 十五行 濡

翼 覆餗 ○九葉十四行 添 忝 ○十一葉一行 卽 既 ○十二葉十五行 某 孰 十六行 司 輔

○十三葉四行 臣某臣言 臣孰言臣

### 卷四十四

一葉六行 晁 晃 ○二葉十三行 晁 梟 十五行 衆 重 ○三葉三行 師 帥 四行 九 七 ○

五葉十行 聲鼓 鼓聲 或 戒 十一行 時 持 ○六葉一行 參 忝 ○八葉十四行 去九日

去月九日 ○九葉一行 伏惟 伏望 ○十一葉十一行 武俊 上有王字 ○十二葉一行 某乙 下

有至字 五行 於 爲 表慈 表茲 十一行 某乙 下有至字 十五行 雲 靈 十八行

大慶 下有臣字 ○十三葉二行 某乙 某至 七行 貫 冠

### 卷四十五

一葉八行 今日 金石 ○五葉八行 以下 於下 二十行 □ 德 ○六葉十七行 烙 始 十九

行 私 休 ○七葉一行 一首 上有聖製詩三字

### 卷四十六



一葉四行 兩副等 下有謝狀二字 六行 遑 惶 九行 誠 誠 ○二葉十三行 廟 朝 ○三葉

二行 誠 惶 上有某字 十行 昭 幽 ○六葉七行十五行 徵事郎 事並作仕 ○七葉三行 宣

德郎 前有駕部員外郎舉人自代狀題目一行 十一行 朝議郎 前有司勳郎中舉人自代狀題目一行

二十行 朝議郎 前有中書舍人舉人自代狀題目一行 ○八葉七行 朝議郎 前有禮部侍郎舉人自

代狀題目一行 十四行 朝議郎 前有戶部侍郎舉人自代狀題目一行 ○九葉三行 朝議大夫

前有兵部侍郎舉人自代狀題目一行 十二行 朝散大夫 前有吏部侍郎舉人自代狀題目一行 十七

行 前件官有 無有字 ○十葉二行 朝議大夫 前有太子賓客舉人自代狀題目一行 十三行

朝議大夫 前有兵部侍郎舉人自代狀題目一行 十九行 六 □ □ □ □ □ □ 其職憑積按六

字擬衍 ○十一葉二行 通議大夫 前有太常侍卿舉人自代狀題目一行 ○十二葉三行 正議大

夫 前有禮部尚書舉人自代狀題目一行 十四行 遣奉 違奉 十七行 東都留守 前有東都

留守舉人自代狀題目一行 ○十三葉十行 恩 姻 十五行 若 者 二十行 臘 脂 ○十四葉一行

臘 脂 三行 省 者 六行 受 愛 十四行 一 銀砂羅 二隻銀紗羅 ○十七葉六行注 貺

況 甲 浹 十二行 一 年 二十年 十七行 計 食 私計 ○二十一葉十四行 日 月 十七行



應緣遷奉狀制書手詔等

緣遷耐清令子弟營護狀

○二十二葉一行

措

曆 十一行

臣德輿言

前有許遷耐并令子弟營護詔表題目一行

并合

并令

十四行

當

日

月

十五行

月

日

十六行

異

冀 ○二十三葉一行

右臣

前有請遷舉假內差官勾當狀題目一行

十

右臣

前有請追贈先祖故羽林軍錄事參軍狀題目一行

○二十四葉十五行

臣德輿

前有謝贈先祖

尚書禮部郎中表題目一行

○二十五葉十二行

臣德輿

前有謝手詔不聽迴官秩表題目一行

○二十六葉

五行

右臣

前有請遷耐先父準一品儀式狀題目一行

九行

右伏准

前有遷舉假滿勾當公事狀題目一行

卷四十七

一葉二十行

方

萬 ○二葉七行

皆

加 ○三葉十四行

用

周 十八行

甚

其 ○四葉一行

時或

時有裁議或

十六行

精

旌 ○六葉一行

至

不 ○七葉十九行

效

敗 ○八葉五行

宮

官 ○九

葉八行

數

變 ○十葉十六行

黜於

黜放者或起為

十七行

二千石者

無者字

○十三葉十

七行

藿

藿 ○十四葉九行

山東行營

下為事宜狀三字無以臣愚所見條件於後九字

十六行

觀

勸 ○十五葉十二行

早

早

十八行

入

又 ○十六葉三行

權輿

權德輿

卷四十八



一葉十五行 中行 行中 ○三葉九行 機 議 十四行 次 莢 十八行 時 明 二十行 襄

驥 ○四葉十三行 四三二三四 事 士 大 予 太子 十五行 素 業 十六行 莫 幕 ○

五葉十二行 承 誠 ○七葉十八行 識 誠 ○八葉十行 飲 飫 十四行 悲 歡 十六行 晝 哭

哭 晝 ○九葉六行 異 典 九行 有 存 十行 力 立 十八行 已 以 十九行 中 其

聚 藪 二十行 均 筠

### 卷四十九

一葉六行 某 德輿以下同 十二行 先 夫 ○二葉三行 自 息 十九行 婚 族 十九行 伏 惟 上有

存字 ○三葉十二行 兄 丈 十三行 子 所 子之所 十九行 是 足

### 卷五十

一葉八行 人 仁 十四行 史 始 ○六葉六行 亢 凡 七行 觀 歡 ○七葉二行 景 寅 甲申

○八葉四行 大 中 太 中 十七行 隸 肆 二十行 傅 博 ○九葉九行 丁 癸 十七行 叔

淑 ○十一葉十七行 為 唯 ○十二葉五行 上 讓 ○十三葉十二行 佑 祐

### 補刻



一葉十三行

渭南簿

簿上有主字

○五葉七行

野

墅

八行

極

激

十三行

今年

下有冬

字

十七行

□□

英華

開化圖書館  
Kaihua Library



權文公集補遺 據長沙葉氏藏嘉慶輯刻本補

目錄

齊抗平章事制

上陳闕政

論裴延齡不應復判度支疏

奏于董所犯當明刑正罪疏

遺表

唐使君盛山唱和集序

秦徵君校書與劉隨州唱和詩序

吳尊師華原露仙館詩序

張隱居莊子指要序

吳尊師傳

齊抗平章事制



林初  
一  
一  
敕寅亮天工緝熙王度調陰陽以遂羣品敷教化以統百官必  
得其人乃濟於理是咨茂德允式具瞻中散大夫守太常卿上  
柱國賜紫金魚袋齊抗植操清貞秉心諒實精達政理詳明典  
彝才器可以濟時忠正可以激俗莅事惟肅休聲茂聞宜入贊  
於中樞俾發揮於景化式是百辟毗予一人可守中書侍郎門  
下平章事散官勳賜如故於戲政之得失在於弼諧爾其竭誠  
啓沃以廣視聽盡規獻納以贊謀猷俾人叶中時乃之績無替  
朕命厥惟懋哉

上陳闕政

陛下齊心減膳閔惻元元告於宗廟禱諸天地一物可祈必致  
其禮一士有請必聽其言憂人之心可謂至矣臣聞銷天災者  
修政術感人心者流惠澤和氣洽則祥應至矣畿甸之內大率  
赤地而無所望轉徙之人斃踣道路慮種麥時種不得下宜詔



所在裁留經用以種貸民今茲租賦及宿逋遠貸一切蠲除設不蠲除亦無可斂之理不如先事圖之則恩歸於上矣十四年夏旱吏趣常賦至縣令爲民毆辱者不可不察漕運本濟關中若轉東都以西緣道倉廩悉入京師督江淮所輸以備常數然後約太倉一歲計斥其餘者以糶于民則時價不踊而蓄藏者出矣大歷中一縑直錢四千今止八百稅入加舊則出於民者五倍其初四方銳於上獻爲國掊怨廣軍實之求而兵有虛籍剝取多方雖有心計巧歷能商功利其於割股啖口困人均也比經紕放者自謂技拭無期坐爲匪人感傷和氣而冬薦官踰三年未受命衣食旣空溘然就斃此亦窮人之一端也近陛下洗宥紕放者或起爲二千石其徒更相勉知牽復可望惟因而宏之使人人自効

論裴延齡不應復判度支疏



臣伏以爵人於朝與衆共之況經費之司安危所係延齡頃自判權逮今旬歲不稱之聲日甚於初羣情衆口喧于朝市不敢悉煩聖聽今謹略舉所聞多云以租賦正額支用未盡者便謂之剩利以爲己功又云破官錢買常平先所收市雜物遂以再給估價用充別貯利錢又云邊上諸軍皆至懸缺自今秋以來並不支糧伏以疆場之事所虞非細誠聖謨前定終事切有司陛下必以延齡孤貞獨立爲時所抑醜正之黨結此流言何不以新收剩利徵其本末令分析條奏又擇朝賢信臣與中使人巡覆邊軍察其資儲有無虛實倘延齡授任以來精心勤力每事省約別收羨餘于正數各有區別邊軍儲蓄實猶可支身自斂怨爲國惜費自宜更加優獎以洗羣疑明書厥勞昭示天下如或言者非謬罔上實多豈以拜國重務委之非據臣職在諫曹合採羣議正拜已來今已旬日道路云云無不言此豈京



師士庶之衆愚智之多合而爲黨共有讐疾陛下似宜稍迴聖鑒俯察羣情

奏于董所犯當明刑正罪疏

竊以董溪等當陛下憂山東用兵時領糧料供軍重務聖心委付不比尋常敢負恩私恣其賊犯使之萬死不足塞責宏寬大之典流竄太輕陛下合改正罪名兼責臣等疎略但詔令已下四方聞知不書明刑有此處分竊觀衆情有所未喻伏以自陛下臨御已來每事以誠實與天地合德與四時同符萬方之人沐浴皇澤至如于董所犯合正典章明下詔書與衆同棄卽人各懼法人各謹身臣誠知其罪不容誅又是已過之事不合論辯上煩聖聰伏以陛下聖德天姿度越前古頃所下一詔舉一事皆合理本皆順人心伏慮他時更有此比但要有司窮鞠審定罪名或致之極法或使自盡罰一勸百孰不甘心巍巍聖朝



事體非細臣每於延英奏對退思陛下求理之言生逢盛明感涕自賀況以愚滯朴訥聖鑒所知伏惟恕臣迂疏察臣丹懇

遺表

臣某言生逢聖時獲事陛下以臣黷朴備位將相幸免罪戾實無裨補福過災生二年以來脚疾痺緩近自旬日咽喉氣痛漸就危惛慮不支持永辭聖明涕流嗚咽伏惟皇帝陛下繼十一葉休運承二百年景祚平吳定蜀掃蕩淮夷巍巍功德與天地準今縱有疥癬不足平夷伏惟以愷悌之仁宏寬大之本爲九州自愛使萬古同福則臣幽冥之下同生物受賜無任感恩攀戀悲激之至

唐使君盛山唱和集序

古者采詩成聲以觀風俗士君子以文會友緣情放言言必類而思無邪悼谷風而嘉伐木同其聲氣則有唱和樂在名教而



相博約此北海唐君文編盛山集之所由作也初文編以英華  
籍甚輝動朝右書法草奏爲明庭羽儀談者謂翰飛密侍潤色  
告命如取諸懷之易也八年夏佩盛山印綬朱兩轡而西天子  
雅知其文采慰勉甚厚且曰第如新涖分我憂歎於是惠而保  
之四封熙熙比歲連課爲百城表率十九年冬旣受代轉遷於  
夔上方以愷悌紓息之爲大人文華國之爲細或者蘊而決之  
使目不暇瞬庸詎知嚮時歲月不來之推轂邪理盛山十二年  
其屬詩多矣非交修繼和不在此編至於營合道志詠言比事  
有久敬之義焉睽攜寤歎惆悵感發有離羣之思焉班春悲秋  
行部遲客有記事之敏焉煙雲草木比興形似有寓物之麗焉  
方言善謔離合變化引而伸之以極其致昔魏文帝稱劉公幹  
五言詩之善者妙絕一時抱朴子云讀二陸之文恐其卷盡今  
覽盛山之作有似之凡漢庭公卿左右曹方國二千石軍司馬



部從事暨巖棲處士令弟才子稽合屬和二十有三人共若干  
篇盍簪則七子偕賦發函亦千里善應尊賢下士備見於斯葳  
蕤照燭雖南金青玉之不若也噫文編所友善者僕多善之周  
星之間物故殆半梁寬中楊懋功尤爲莫逆交友零落如何可  
言况其雅音已矣多歎三復感念涕洟集於筆端是集也編於  
德輿嘗有木桃瓊瑤之往復辱求序引所不敢讓者俟夫子徵  
還道舊之日破涕爲笑於斯文也

秦徵君校書與劉隨州唱和集序

儒有秦公緒者當天寶理平之世興麗則鼓盛名於當時遭多  
故道進身退越部山水佐其清機圓冠野服翛然自放宅遐心  
於事外得佳句於物表不知華纓丹轂之爲貴者幾四十年方  
帥時賢軾閭懸榻昔鄭公通德有鄉門之號秦君麗句創里亭  
之名慕風騷者多所嚮仰貞元中天下無事大君好文公緒舊



游多在顯列伯喈文舉之徒爭爲薦首而壽陽大夫公之章先  
聞故有書府典校之拜時動靜不滯於一方矣七年春始與予  
遇於南徐白頭初命色無愠忤知名歲久故其相得甚歡因謂  
予曰今業六義以著稱者必當唱酬往復亦所以極其思慮較  
其勝敗而文以時之聞人序而申之悉索笈中得數十編皆文  
場之重名強敵且見校以故敵故二字疑衍隨州劉君長卿贈答之卷  
惜其長往謂余宜叙噉夫彼漢東守嘗自以爲五言長城而公  
緒用偏伍奇師攻堅擊衆雖老益壯未嘗頓鋒詞或約而旨深  
類乍近而致遠若珩珮之清越相激類組繡之元黃相發奇采  
逸響爭爲前驅至於室家離合之義朋友切磋之道咏言其傷  
折之以正凡若干首各見於詞云

吳尊師華原露仙館詩序

世人於逆旅溺喪之中而村疑執膠固唯仙師吳君超然懸解



於是有華原露仙之作本於道生終於物宜蓋順一氣之聚散  
隨百昌之化生爲疣爲贅爲決爲潰委和歸根泊然大觀至於  
谷神隱景之道又何可究耶衆君子用徵聲詩師亦繼和是皆  
遺形達生之言也或曰若師之道可以坐忘矣惡用言說涉於  
名迹耶予曰道德上下經與內外雜篇豈非老莊之言耶終日  
而盡道師之心也彼方以生死爲一貫又何有於名迹哉又曰  
既言之可矣惡用詩之矣師又泛然而和之斯皆元同而不囿  
於物者也於是或者退而鄙夫書之以冠於羣篇云

張隱居莊子指要序

今之畸人有隱居張氏者治莊子內外雜篇以向郭舊注未盡  
采其旨乃爲之訓釋猶懼學者之蕩於一端泥於一說又作三  
十三篇指要以明之蓋宏道以周物闡幽以致用內外相濟始  
終相發其文約其旨明纍如珠貫渙若冰釋既而以予嘗所蘄



嚮俾叙而辨之爲道之用也經天地該萬物內化者可以澤四  
海外化者可以冥是非訢然順物內外偕化得其環中以應無  
窮古之善爲道者如此泊乎性命耳目之相軋也不勝於物則  
相辨相劇徇乎無涯氣耗乎名聲之域心鬪於彼是之境陳蠹  
滑潛封執逆旅懼力不足而羣奔舛馳莊生哀其如是乃退廣  
柱下之說弛張變化未始離乎道用虛靜恬淡無爲爲本焉故  
其言后王撫世也則曰靜而聖動而王無爲也而尊其言君子  
行道也則曰時命大行乎則返一無迹大窮乎則深根寧極窒  
乎欲則曰休影息迹達乎生則曰外形委蛻其放言大觀也則  
齊彭殤一堯桀等周公於猨狙比大舜於豕蝨或至大適以爲  
累或至細乃牽乎用斯豈窮鄉一曲者所能通故有內外雜篇  
之異然則道之於物無不繇也行之者視其分隨其方而揭厲  
之則爲家爲邦爲仁爲智游之泳之日漸漬之化與心成不知



所自則昧者噉躁者靜循之而愈照冥之而愈妙撻寧懸解豈  
遠人哉隱居之意明此而已矣隱居者九垓別號渾淪子老於  
是學徧遊名山無常居不粒食與土木鳥獸同其外而中明也  
如是向使與漆園同代如邱明受經於仲尼矣其顏成子南榮  
趯之徒與予摳衣於君實所辱命粗舉莊子之略直書隱居之  
志以冠於篇

### 吳尊師傳

吳筠字貞節魯中儒士也少通經善屬文舉進士不第性高潔  
不伍流俗乃入嵩山依體元先生潘師正爲道士傳正一之法  
苦心鑽仰盡通其術開元中南遊金陵訪道茅山久之東遊天  
台筠尤善著述在剡與越中文士爲詩酒之會所著歌篇傳於  
京師元宗聞其名遣使徵之既至與語甚悅令待詔翰林帝問  
以道法對曰道法之精無如五千言其諸枝詞蔓說徒費紙劄



爾又問神仙修鍊之事對曰此野人之事當以歲月功行求之  
非人主所當適意每與緇黃列坐朝臣啓奏筠之所陳但名教  
世務而已閒之以諷詠以達其誠元宗深重之天寶中李林甫  
楊國忠用事綱紀日紊筠知天下將亂堅求還嵩山累表不許  
乃詔於嶽觀別立道院祿山將亂求還茅山許之既而中原大  
亂江淮多盜乃東遊會稽常於天台剡中往來與詩人李白孔  
巢父詩篇酬和逍遙泉石人多從之竟終越中文集二十卷其  
元綱三篇神仙可學論尤爲達識之士所稱凡爲文詞理疏通  
文彩煥發每製一篇人皆傳寫雖李白之放蕩杜甫之壯麗能  
兼之者其惟筠乎



館

書

圖

化

閣

Wahwa Library



附目錄校文

目錄舛漏頗多今按對本書舉正如下

十四葉十九行

百岳禪師碑銘

文在三洞法師吳先生碑銘之後

○十六葉二行

太子太

保徐公墓誌銘

此題重出文在二十四卷卷首

○二十葉十行

陸贄翰苑集序

文闕

按在補刻內 ○十九行

左諫議大夫韋君詩集序

此篇文在三十五卷卷首

○二十行

左衛胄曹許君詩集序

文闕按在補刻內 ○二十一葉四行

韋君詩集序

文在

魏國公貞元十道錄之前

崔侍御詩集序

此題應作崔衛二侍郎詩序

○二十二葉五行

送崔

陸事序

陸應作錄

○二十三葉十八行

送立上人

立應作玄形誤

○二十六葉七行

賀破

賊三表

三字衍文

○二十八葉三行

起居舍人舉人自代狀

此題下共載曆官舉

人自代狀十二首計闕題目十一條

四行

平章政事舉人自代狀

此題下共載狀三首計

闕題兩條

十三行

應緣遷奉狀

此題下共載狀八首計闕題目七條

○二十九葉四行

祭崔

侍御文

御應作郎

六行

祭華殿中文

華應作薛

二十行

祭楊校書夫

人文

文在祭崔士曹文之前



補刻目錄 計三首

陸贄翰苑集序  
左衛胄曹許君詩集序  
韋賓客宅宴集

詩集序

開化圖書  
Wathua library



開化圖書館

Kaishua library

學



開化圖書館

Kaichua library





開化圖書館

kaikwa library



開化圖書館

Kaishwa Library



Blue Cyan Green Yellow Red Magenta White 3/Color


TIFFEN Color Control Patches © The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17  
1 2 3 4 5 6 7

權載之文集  
八

開館圖書  
Kashua library





開化圖書

Washwa Library



Inches 1 2 3 4 5 6 7  
Centimetres 1 2 3 4 5 6 7 8 9 10 11 12 13 14 15 16 17

**TIFFEN** Color Control Patches © The Tiffen Company, 2007

Blue Cyan Green Yellow Red Magenta White 3/Color